

中 山 西 太 原 省  
醫 改 進 研 究 會

民國十五年二月

中醫部改特准  
登記為新聞紙類

# 醫學雜誌

第二十九册

南京圖書館藏

## 本雜誌啟事

凡訂閱本雜誌者望先寄費空函訂購恕不作覆

### 代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

### 外界投稿簡章

- 一 各界投稿凡有關於醫藥衛生等學術者本會極其歡迎
- 一 凡經本會編入雜誌之稿計每一稿奉贈雜誌一冊如一期之內登兩三稿亦祇寄送一冊
- 一 凡永久贊助本會特別熱心或贈送書籍諸君本會按期寄送一冊
- 一 投寄稿件務請繕寫清楚圈點句讀
- 一 收受各稿本編緝處可以酌量增刪如作者不願他人增刪亦請預先聲明
- 一 所投稿件未經登載者恕不奉還
- 一 各醫藥報界有願與本會雜誌互換者本會極表同情
- 一 會內外諸君有翻譯東西最近發明之醫藥學投刊者本會尤為感綴

# 醫學雜誌第二十九期

## 目錄

附設醫院十四年十二月中西醫診治

人數及比較表

### 專著門

靈素生理新論 續

楊百城

新攷正經脈俞穴記誦篇 續 張山雷

### 論說門

張仲景姓名事迹攷

郭象升

論三十三難肝沈肺浮之義 張山雷

論陰陽

楊煥文

前清醫學大家之概論

喬尙謙

歷年中西醫藥親身閱歷談 前人

### 纂述門

(生理類)

論營衛

楊百城

肝藏血解

沈仲圭

經脈卽血管之研究

前人

(衛生類)

張栗庵先生存書

(病理類)

纂輯中西解剖病理三則

楊星垣  
沈仲圭

傷寒太陰證之研究

梁秉鈞

遺精症中西相通之我見

王治平  
胡齊璣

(診治類)

(診法)

色脈篇 續

楊百城

莫枚士研經言釋代脈書後張山雷  
脈決闡微 楊星垣

(治法)

歷代名醫治療法彙錄 續

楊百城  
趙意空

(治療各稿)

療身病莫若療心病說

劉前英

崇病醫案

沈仲圭

診治怪症五則

葛陰春

暑熱氣閉證治愈

劉蔚芝

春溫伏邪救誤

前人

溫邪逆傳心包絡証治

前人

脚氣之治療

楊星垣

誤服龍膽瀉肝湯救治

謝少昂

咯血治愈

陳蓮峯

婦女脾虛胃逆証治驗

張汝濟

(方劑類)

莫枚士研經言古方用法 後書 張山雷

莫枚士研經言玉屏風散方義解書

後 前人

研究五苓散

趙春谷

簡妙單方六則

沈仲圭

醫案門

應用科學之理療病案 趙意空

報告門

研究遼縣發生喉疫症之治療

通訊門

王一仁君囑登雜誌原函 續上期

周小農君駁議二次部規

葉勁秋君致本會緘

奚子和君敬告醫界芻言

譯叢門

梅毒治療治之考察 續上期 楊永超譯

雜俎門

印度醫聖耆域傳

星期徵稿選刊

問煩燥症多見於太陽 少陰何故

栗樹屏

問伏暑肺燥治法

閻子俊

針灸討論會治法選刊

問刺期門穴

陶復泰

問針灸注痛法

劉 恕

第二十九期目錄

續聘理事

徐世長 山西應縣


續聘名譽會員

王浩華 浙江中醫專校

胡齊瑞 同上

奚子和 吳縣婁門外五濠涇頤壽堂

中醫改進研究會附設醫院 十一月中西醫逐日診治人數比較表



冬節停診











# 專著門

## 靈素生理新論

理學 楊百城

### 第二章 形氣篇

#### 第十二節 論消化之原理

人之於飲食也。唇以攝收之。齒以咀嚼之。舌以轉掉之。使之往復周迴。然後嚥入。會厭居食管氣管之間。氣出則張。食入則掩。蓋氣門。使食橋渡而過。由此入嚙。傳送至胃之上口賁門。入胃。脾以磨之。肝以疏之。而後蒸化腐熟。由胃之津門泄出水分。其汁由幽門傳入小腸。經所謂小腸爲受盛之官是也。至小腸之闌門。又分泌津液。其水分皆由三焦傳腎及膀胱。由溺孔而出。經所謂三焦爲決瀆之官是也。是時穀已成糟粕。傳入大腸。經所謂大腸爲傳導之官是也。至直腸則結爲糞。由肛門而出。自古相傳腸胃之功用如此。洎西人消化作用之新理出。講食物之

入於口中也。先由唾腺分泌唾液。通食道而入於胃中。又從胃壁分泌胃液。進至腸中。由脾臟分泌脾液。由肝臟分泌膽汁。由腸壁分泌腸液。凡體內各部特別機能。皆消化食物。此則西人所發明消化作用之新理也。又謂口中唾液主消化澱粉。胃液主消化蛋白質。膽汁主消化脂肪。腸液主消化澱粉。蛋白質。脂肪等質。此則西人所說明消化作用之新理也。凡此悉依化學作用。以推測食物消化之理。是理也。然乎否乎。吾謂唾液。胃液。腸液。脾液。膽汁。及某某液者。非某液之自爲作用也。是蓋有精神作用在焉。精神作用維何。人生之元氣是矣。此元氣足。則精神之作用強。而消化易。元氣不足。則精神之作用弱。而消化難。譬之釀酒。凡種種諸液。皆助穀發酵。麴也。胃爲水穀之海。穀在胃中。猶穀在釜中。非有釜底之火。不足以蒸發之。氣海者元氣之府也。化水穀而生血氣。無此一點真火。磅礴鬱發。以造化爲鑑。以陰陽爲炭。其腐化穀食之能力尤大且偉。速且強。西人言穀在腸胃之中。得種種諸液起酸化之作用。又謂有一種溫度起蠕動之作用。究之其熱力何自

誌

雜

學

醫

2

則生乎。若曰由酸化之作用而生。則猶爲科學圍也。吾故推闡我古醫經真義說。明消化之原理。在乎元氣。

### 第十三節 論消化器所從出入淺深遠近長短之度

昔越人論消化器。發七衝門之說。曰唇爲飛門。齒爲戶門。會厭爲吸門。胃爲賁門。太倉下口爲幽門。大小腸會爲闌門。下極爲魄門。凡以明水穀出入所經之道徑。及乎關鍵之所在。曰門者。所以司啓閉之作用。而所以出入淺深遠近長短之度數。則詳在靈樞。爰述於左。

雜

唇至齒長九分。

口廣二寸半。

誌

齒以後至會厭深三寸半。大容五合。

舌重十兩。長七寸。廣二寸半。

咽門重十兩。廣二寸半。至胃長一尺六寸。

胃紆曲屈伸之長二尺六寸。大一尺五寸。徑五寸。大容三斗五升。

小腸後附脊。左環迴周疊積。其注於迴腸者。外附於臍上迴運。環十六曲。大二寸半。徑八分分之少半。長三丈三尺。

迴腸當臍。左環迴周葉積而下迴運。環反十六曲。大四寸。徑一寸寸之少半。長二丈一尺。

廣腸傳脊。以受迴腸。左環葉脊上下辟。大八寸。徑二寸寸之大半。長二尺八寸。

按西人謂自口至肛門。長約三十英尺。名曰營養管。以營養作用。食物入口。第一經口內咀嚼。與唾液混和而嚥下之。第二食物至胃。則胃液消化之。第三至腸。則膽液胰液及其他液體溶解之。第四胃腸吸收滋養分。送入血管。循環於全身。第五至肛門。則排泄渣滓。我國對於此等作用之處。自古越人發七衝門之論。正以見食物入口。其吸取也有自。其消化也有由。其排泄也有漸。重重關鍵。分泌清濁。而人體生活。正賴於此。

## 第十四節 論營衛二氣之行度

一營氣之行度。營者水穀之精粹。其清者爲營。奉心化血。命曰營氣。乃得獨行於經隧。以奉生身。莫貴於此。故曰營行脈中。脈者猶川河溪澗之道。營者猶川河溪澗之水。其始也。循脈自手太陰肺。肺注於手陽明大腸。大腸注足陽明胃。胃注足太陰脾。脾注手少陰心。心注手太陽小腸。小腸注足太陽膀胱。膀胱注足少陰腎。腎注手厥陰心包絡。心包絡注手少陽三焦。三焦注足少陽膽。膽注足厥陰肝。統人身經脈計長十六丈二尺。一呼脈行三寸。一吸脈行三寸。呼吸定爲一息。合計脈行六寸。二百七十息。脈行十六丈二尺。盡爲一周於體躬。一萬三千五百息。氣行五十營於身。漏下百刻而脈終。終而復始。如環無端。接近世每疑經言一晝夜一萬三千五百息爲不合。不知欲定經文息數。須先定脈行度數。脈行從中焦始。本手太陰肺呼吸之息頭。分歧貫注兩手足之經脈。兩手足各有陰脈陽脈。是以陰兩陽兩。相間而行。交通於中。而營周不休。則



非衛晝行陽只二十五度。夜行陰只二十五度矣。營行速。衛行遲。故盧子綰曰：一晝夜周行五十度者。衛行之紀也。水下百刻。漏盡脈終者。營行之紀也。此經於五十營篇發所謂交通者。並行一數之論。據此脈行度數應百刻。是脈行百度與衛大會也。脈度定。息數亦定矣。茲以脈行百度應百刻起算。以百乘脈長十六丈二尺。得一千六百二十丈。又按一息脈行六寸。以六寸除一千六百二十丈。得二萬七千息。卽一晝夜之息數。是知經所謂息數。因以平旦爲紀。衛行五十度適應之。遂於營亦曰五十營。實則營在陰。在陽並行五十度。出入心臟兩次。經舉一概之也。

一衛氣之行度 衛者亦水穀之精粹。既以其清者爲營。因以其次者爲衛。遂云其濁者爲衛耳。衛氣出入形藏。分於晝夜。以固生身。莫秘於此。故曰衛行脈外。其始也。從中焦。平旦陰盡陽始生。而人寤。陽氣出於目。目張則氣上行於頭。循項下足太陽。循背。下至小指之端。其散者。別於目銳眦。下手太陽。下至小指之

間外側。其散者。別於目銳眦。下足少陽。注小指次指之間。以上循手少陽之分側下。至小指之間。別者以上至耳前。合於頷脈。注足陽明。以下行至跗上。入五指之間。其散者從耳下。下手陽明。入大指之間。入掌中。其至於足也。入足心。出內踝。下行陰分。復合於目。此之謂衛行脈外。行身之陽道爲一周。非循行經隧之爲衛行脈外也。周而復始。合計二十五周於身。爲衛獨行陽二十五度。非合營並行陽二十五度也。陽盡於陰。陰受氣而人寐。其始入於陰。常從足少陰注於腎。腎注於心。心注於肺。肺注於肝。肝注於脾。脾復注於腎。此之謂衛行脈外藏舍之陰爲一周。亦非循行經隧之爲衛行脈外也。周而復始。合計二十五周於臟。爲衛獨行陰二十五度。亦非合營並行陰二十五度也。合計晝行陽二十五度。與夫夜行陰二十五度。斯之謂一周於身。

按瘧論篇有衛行周盡日下一節之文。以衛行一周身盡。日下脊骨之一節。二十一日至骶骨。上行九日出於缺盆。復會於大椎。斯之謂歷盡行身度之一周。

第二十九卷 醫學部

八

大會於體弱。此一篇為他篇所未及。至此而義始完備。據此則衛行之始終起  
 止可定矣。夫營衛生會行度及脈度。猶氣之有節。節之有候。衡平權度。無容暫  
 失。但衛行遲。營行速。衛行遲者。終月始歷盡一周之體躬。猶日行遲。一年十二  
 月。巡行周天三百六十五度四分度之一。為一年也。營行速者。非比衛書行陽  
 二十五度。夜行陰二十五度。營周不休。以應百刻。猶月行疾。一月三十日。日超  
 天一十三度半有奇。一月一周。三百六十五度四分度之一。為一月也。學者設  
 未玩味靈素全文。不知衛行日下一節。二十一日窮歷髓骨。上行九日出於缺  
 盆。歧伯補載瘡論。是祇知一晝一夜衛行度之始終起止。而不知一月衛行度  
 之始終起止。則所論不備。故盧子繇遵經參訂。而後衛之行度。始無遺義。其開  
 悟來學之功。豈淺鮮哉。

### 新考正經脈俞穴記誦編

張壽頤

膽足少陽經脈循行經文

膽足少陽之脈。起於目兌眥。上抵頭角。下耳後。循頭行。手少陽之前。至肩上。卻交  
手少陽之後。入缺盆。其支者。從耳後入耳中。出走耳前。至目兌眥後。其支者。別目  
兌眥下顴。合手少陽於顴。下加頰車。下頸合缺盆。以下胸中貫鬲絡肝屬胆。循脇  
裏。出氣街。繞毛際。橫入髀厭中。其直者。從缺盆下腋。循胸。過季脇。下合髀厭中。以  
下循髀陽。出膝外廉。下外輔骨之前。直下抵絕骨之端。下出外踝之前。循足跗上。  
出小指次指之端。其支者。別跗上。入大指之間。循大指歧骨內。出其端。還貫入爪  
甲。出三毛。

〔考正〕卻交手少陽之後。甲乙太素靈樞。手少陽上皆有出字。惟脈經無之。壽  
頤按上所謂下耳後。循頸行。手少陽之前者。蓋從耳後直下。循頸行於手少陽  
經。顛息癭脹翳風三穴之前。至肩上者。卽本經肩井穴之部位。與手少陽經會  
合。〔外台謂肩井手足少陽陽維之會〕乃交通手少陽經之後。而會合於六陽  
齊會之脊骨大椎。未嘗出於肩頭。因無所謂出。且明言由手少陽之前。以交手

少陽之後。則必從此以會大椎。由外及中。更不能加一出字。脈經無之是也。甲乙太素靈樞皆誤。蓋淺者誤依三焦手少陽之經文。交出足少陽之後一句。而妄增之。所謂斷鶴讀鳧者矣。茲據脈經訂正。別目兌眚下顙。各本顙字皆作大迎。惟王注素問立藏生成篇。過在足少陽厥陰節。引作別目銳眚下顙。壽頤按。上言別目兌眚。下言合手陽於顙。則此句正在目之下。顙之上。而大迎在頰。不得先言下之大迎。而後言合於顙。王注所引是也。甲乙太素脈經靈樞各本無一不誤。又此句別目兌眚。甲乙脈經靈樞皆無目字。惟太素有之。王注素問引亦有。茲據以刪補。合手少陽於顙。甲乙靈樞陽下有抵字。太素脈經無之。壽頤案。手少陽經從耳上角以屈下頰至顙。而足少陽經自目兌眚下行。以合手少陽於顙。此五字作一句讀。既有合字。而再加一抵字。於義爲復疊。而文亦不順。此淺人妄加者也。脈經太素是。茲據以刪。循胸甲乙經脈經俱作循胸中。壽頤按。此言經脈之行於表者。自腋循胸脇而下。直至季脇。以及環跳。與入裏之

一支。出氣街繞毛際者相合。非裏行之脈。不當稱胸中。且少陽行身之側。皆在兩旁。尤不可以言中。甲乙脈經誤衍。太素靈樞無之是也。茲從太素。出小指次指之端。各本出皆作入。靈樞太素端作間。惟脈經作出小指次指之端。甲乙經亦作端。壽頤按此句乃足少陽經之終。即足四指端之竅陰穴。若作小指次指之間。則未及指端。於文為不備矣。脈經是也。茲據以訂正。還貫入爪甲。靈樞太素無入字。甲乙脈經皆有之。壽頤按。上言出大指之端。而肝足厥陰之脈。起於大指鬃毛之上。此言兩經交接之部位。故曰還貫入爪甲。脈經甲乙經是也。茲據以增入字。

膽足少陽經脈循行歌

膽足少陽起兌背。上抵頭角向後逆。折入耳後直下行。手少陽前相維比。（去聲。讀如避。近也。）缺盆之上兩陽逢。（手足兩少陽經。即肩井穴。）轉達六陽大會中。交到缺盆乃入裏。一支耳後別尋蹤。此支入耳復折出。耳前聽會即其穴。過上關

12

前抵目旁。上關卽客主人。本經穴名。此無去路。蓋有缺。經文說在背之後。証以俞穴。乃不偶。本神陽白折上行。達到風池。何處究。此支自過上關。以至目兌。皆經文遂無去。路蓋有闕文。且經文則謂至目兌。背後。而本經俞穴有本神二穴。乃在髮際。又自眉上陽白穴直上。環過頭頂兩旁。而至腦後之風池。一線直行。結文皆莫可究結。說詳下文存疑。一支復自背邊別。二少陽經又會顛。頰輔之間到項旁。自會缺盆。合爲一。至此與前者入缺盆之本經相會。乃以一支合爲一支。從茲行裏入胸中。屬膽絡肝臟。肅通行身之側。循脇裏。下趨少腹。氣之衝。前陰分野。屬肝胆。環繞毛際。是其範。過此橫開環跳中。髀樞大骨髀之厭。經文之所謂髀厭中。卽髀樞。大骨之白。本經之環跳穴。此一支之行於脇裏者。自缺盆而入。至毛際。以橫出於環跳之部。直行原自缺。盆來腋下。循行側面。排脅肋。都緣肝膽位。直趨髀厭。弗疑猜。此一支之行於脇肋表分者。卽從缺盆行於腋下。循胸側脇肋下行。以至髀厭中環跳之位。而與行裏之本經復合爲一。此行直下髀之陽。

誌

雜

學

醫

（髀陽即髀外。）膝輔外廉脈道長。外踝之間抵絕骨。轉前跗面認平行。本經經處到足指。爪端井穴指之。白別支又自跗間。分拇指鬃毛厥陰至。

（注）足少陽脈起於目兌眥旁之童子髻穴。所以承接手少陽之經脈也。自此上抵於頭角。向後而行。即頰厭懸顱懸厘曲鬢率谷諸穴之部。乃環過耳上角。以下耳後。循頸行於手少陽經之前。即天衝浮白竅陰完骨諸穴。乃至肩之上。肩井穴。與手少陽經會合。而向後之柱骨。以共會於六陽大會之大椎第一節。乃左右兩經。交互相前。從缺盆入裏。此爲足少陽經脈之第一節。（本經雖未言交會大椎。然手陽明經脈已言上出於柱骨之會上。是指天柱大椎第一節而言。手足六陽之經皆會於此。故曰會上。足少陽之脈與大椎會合。必在此交於手少陽而卽抵大椎。蓋手足六陽之經。惟膀胱足太陽經。以下項循肩髀內。天柱大杼之穴。密切大椎。則不言交會而出於會上。人所易知。其餘五陽之經。皆有入缺盆一句。卽其經之交會大椎。而左右旁行以入缺盆也。惟諸經皆不



明言出於柱骨會上。則以手陽明經一條。先舉其例。固無煩複贅耳。凡鍼灸家言足少陽經俞穴次序者。皆於童子膠穴之後。繼以聽會客主人二穴。而復及於頷厭諸穴。非是。經文明言起於目兌眚。卽上抵頭角。不當以聽會上關二穴。雜廁其間。其一支則自耳後而分。以入耳中。會於手太陽經之聽宮穴。又出於耳前本經之聽會穴。乃上過客主人穴。以至目兌眚後。其又一支。則從目銳眚分而下行。以會手少陽之顛膠穴。於頰骨端。乃循頰車下頸。與前者入缺盆之本經相會。兩支合一。以行於胸脇之裏。下過鬲膜。達於本藏本府。絡肝屬膽。循裏身側之部。直下以至氣衝。又環遶毛際。乃橫開以達兩髀樞之環跳穴。故脇肋前陰。皆屬於肝膽分野。其直而行於外者。卽從缺盆下行過腋。循胸脇以達季脅。卽本經淵腋輒筋。日月京門帶脈五樞。維道居膠諸穴。至環跳而與裏行之一支。又合爲一。於是從髀外直下。過風市中續陽關三穴。循膝外輔骨之前。行於脣骨外廉之陽陵泉陽交。外丘光明陽輔懸鐘諸穴。經所謂抵絕骨之端。

者。卽此懸鐘穴之位。〔千金翼謂懸鐘一名絕骨〕乃至外踝之下。斜前陷中之丘墟穴。轉出跗面小指次指間之臨泣俠谿地五會三穴。以至第四指端之覈陰穴。而本經已畢。其又一支。則自跗面而別。以出大指之端。所以交於足厥陰也。

（存疑 壽願按足少陽經一支自耳中出走耳前。至目兌眦。卽由本經之聽會上關二穴。以向上行。然經文此節。憂然而止。未有下落。亦不能與下文聯貫。考本經兪穴。有俠神庭旁三寸之本神穴。又有眉上一寸直目瞳子之陽白穴。復自陽白直上。有臨泣目窗。正營承靈諸穴。乃環過頂顛。以達腦後。有腦空風池諸穴。而經文循行。無此一段。按其次序。蓋經行客主人穴以後。當卽循行於本神陽白臨泣諸穴。是經文此間。必有闕佚。而向來讀者。皆未注意及此。試以經文與兪穴。參互考証。脫節顯然可知。正如足大陰經。脫去府舍腹結以上各穴一節之例。而人皆未之悟也。

## 胆足少陽經脈穴俞分寸歌

膽足少陽四十四。瞳子膠近目兌背。上趨頭角折後行。鬢骨之間諸穴至。曲角耳前號顛顛。頷厭懸顛記上隅。懸厘仍在耳前上。兩少陽明會此俱。乃從耳上入髮際。鼓頷有空曲鬢繼。直上相離寸五分。髮中率谷嚼牙試。率谷在耳上。入髮際一寸五分。嚼齒則此處自能鼓動。微微折後天之衝。入髮二寸弗朦朧。循行直下取浮白。下於耳後此其踪。浮白竅陰下及完骨。三穴皆在耳後。經文所謂下耳後循頸者。即指此三穴之部位也。枕骨下廉頭竅陰。仍從耳後細推尋。再下髮間是完骨。太陽足脈此同岑。經行到此又分析。直入耳中徑又闢。出走耳前聽會來。復折上行上關歷。上關即客主人。更到額顛問本神。太陽髮際曲差鄰。頭維胃脈神庭督。七穴橫開一例論。論平聲。中行督脈之神庭。神庭兩旁各一寸五分之足太陽經曲差。曲差兩旁各一寸五分之足少陽經本神。本神兩旁各一寸五分之足陽明經頭維。七穴皆在額前髮際。橫列平開。眉上一寸求陽白。正坐

端莊目瞳直。上行人髮五分量。（平聲）頭之臨泣。此其宅。泣上一寸。目窗。逢復一寸。兮正營從。又上寸半承靈。續更寸五分到腦空。直下耳後大筋外。髮際陷中風池在。轉出缺盆。肩骨前。肩井諸陽維會。（肩井乃手足少陽足陽明陽維諸脈之會。腋下三寸號淵腋。折前一寸輓筋脈。蔽骨兩旁日月來。乳下肋間。離任中行三寸五分隔。腎募京門又俠脊。十五椎旁是季肋。先從齊上五分求。推算兩旁九寸五分直。帶脈發於季肋下。迴身一周近腰髀。齊上二分。旁開六寸椎。章門之下。此分野。下行三寸是五樞。又下五分維道俱。復三寸兮居膠到。躡維帶脈此相於。髀樞白骨取環跳。（跳字平聲。古音無作仄聲讀者。今吳中土語皆仄音非也。）太少兩陽足脈交。膝上外廉有風市。手垂著髀指之梢。（風市在膝上外廉兩筋中。垂手著腿中指盡處是穴。）膝上五寸間中瀆。股骨外廉認分肉。下三寸來扣陽關。犢鼻上隅陷中囑。膝下一寸陽陵泉。髀骨外廉一線綿。踝上七寸陽交至。斜欹寸許外丘聾。（自陽交向外斜欹下行。則爲外丘。在外踝上六寸。）光明之穴少陽。

絡。踝上五寸是付慳。下行一寸陽輔承更一寸兮懸鐘著。「入聲音直略切」踝下丘墟微向前。四指之後臨泣聯。五會俠谿岐骨內。竅陰爪角本經全。

膽足少陽經脈俞穴分寸考

瞳子膠。一名後曲。在目銳眥外。去眥五分。手太陽手足少陽三脈之會。頷厭。在曲角顛顛上廉。手足少陽足陽明三脈之會。「廣韻。顛顛。鬢骨。壽頤。按此卽兩鬢之骨。在額之角。故古人謂之曲角。經脈篇所謂起目兌眥。上抵頭角者。即指此間諸穴。而各書之言經穴循行者。皆於童子膠穴之後。繼以聽會客主人兩穴。而後及頷厭等穴者。與經脈篇循行次序不合。皆誤。曲角。今本甲乙千金。皆作曲周。乃傳寫之誤。沈果堂形釋骨。已言之矣。」懸顛。在曲角顛顛上廉。懸厘。在曲角顛顛下廉。手足少陽陽明四脈之會。曲鬢。在耳上入髮際曲隅陷者中。鼓頷有空。足太陽少陽之會。率谷。今本外台作蟀谷。在耳上入髮際一寸五分。陷者宛宛中。嚼牙取之。壽頤。案以齒嚼物。則此處自能鼓動。故曰嚼牙取之。天衝。在耳

上如前三分。入髮際二寸。足太陽少陽二脈之會。浮白。在耳後曲頰後。入髮際一寸。翳風前。竅陰後。足太陽少陽二脈之會。〔翳風手少陽經穴〕。竅陰。在完骨上。枕骨下。搖動應手。手足太陽少陽之會。完骨。在耳後。入髮際四分。足太陽少陽之會。〔浮白竅陰完骨三穴。皆在耳後。此經文之所以於上抵頭角之後。即繼以下耳後者也〕。聽會。在耳門前陷者中。張口得之。動脈應手。〔壽頤案此從耳中會於手太陽之聽宮。而出於耳前是穴。經文所謂支者從耳後。入耳中。出走耳前者也。各本皆以爲從瞳子膠穴而來。誤甚。上關。一名客主人。在耳前上廉起骨。開口有空。手足少陽陽明之會。本神。在曲差傍一寸半髮際。足少陽陽維之會。〔曲差足太陽經穴。壽頤按經文於出走耳前。至目兌背後。即曰支者別兌背。下顙。而無此本神陽白以上諸穴之部位。必有缺文。〕。陽白。在眉上一寸。直目瞳子。手足少陽陽明陽維五脈之會。臨泣。在陽白直上。入髮際五分。陷者中。正睛取之。足太陽少陽陽維三脈之會。目窗。在臨泣後一寸。足少陽陽維之會。

## 醫 學 雜 誌

正營。在目窗後後寸。足少陽陽維之會。承靈。在正營後一寸半。足少陽陽維之會。腦空。在承靈後一寸半。俠枕骨後。枕骨上。陷者中。足少陽陽維之會。風池。在耳後俠至枕骨下。大筋外。髮際陷中。按之引於耳中。手足少陽陽維陽蹻之會。肩井。在肩缺盆上。大骨前。手足少陽足陽明陽維之會。淵腋。在腋下三寸宛宛中。舉臂取之。輒筋。在腋下三寸復前行一寸著脇直蔽骨傍。兩乳外。日月胆之券穴。在期門下五分。第三肋縫。乳下。直心蔽骨旁各三寸五分。足太陰少陽二脈之會。京門。腎之募穴。一名氣府。一名氣輸。在腰中季肋下。脊骨第十五椎旁。俠脊。臍上二分。又兩旁開各九寸半。（季肋。肋骨之最短者。此節脊骨。即尾骶骨以上之第六節。）帶脈。在季肋下。臍上二分。又兩旁開各六寸。五樞。在帶脈下三寸。維道。在章門下五寸三分。足少陽帶脈之會。（壽頤按章門。足厥陰經穴。帶脈穴在章門下一寸八分。則維道即在五樞穴下五分。）居髀。在長平下八寸三分。監骨上陷者中。陽蹻足少陽之會。壽頤按長平即足厥陰經之

章門穴。則居髀即在維道下三寸。監骨即腰髀骨。亦謂之髀骨。髀音枯駕切。環  
 跳。在髀樞中。側臥伸下足屈上足取之。足少陽太陽二脈之會。風市。在膝上外  
 廉兩筋中。以手著腿。中指盡處是穴。中瀆。在膝上外廉五寸分肉間陷者中。  
 陽關。在陽陵泉上三寸。犢鼻外陷者中。壽頤按陽陵泉在膝下一寸。則陽關在膝  
 上二寸。即在中瀆下之三寸。犢鼻外廉之上隅。陽陵泉。在膝下一寸。外廉陷者  
 中。陽交。一名別陽。一名足髀。陽維郄在外踝上七寸。外丘。足少陽郄。自陽交向  
 外斜歛。下行一寸。在外踝上六寸。光明。足少陽絡。在外踝上五寸。陽輔。在外  
 踝上四寸。懸鐘。足三陽大絡。在外踝上三寸動者中。壽頤按千金翼一名絕骨。  
 丘墟。在足外廉踝下如前陷者中。去臨泣三寸。臨泣。在足小指次指本節後  
 間。去俠谿一寸半陷者中。地五會。在足小指次指本節後陷者中。壽頤按馬氏  
 謂在俠谿後一寸。故金鑿謂去臨泣五分。俠谿。在足小指次指岐骨間陷者中。  
 壽頤按甲乙外台。謂在岐骨間本節前陷者中。然本節之前指已分岐。不能復言



第二十九期 專著門

三十二

岐骨。此穴蓋在第四指後外間之岐骨中。不當言本節前。故馬氏止謂在兩岐骨間。竅陰。在足小指次指之端。去爪甲如韭葉。


論說門

張仲景姓名事蹟攷

郭象升允叔

醫聖張仲景。世傳其名曰機。南陽人。建安中。官至長沙太守。而後漢書無傳。生平行跡無所考。論者憾焉。元和陸懋修博採羣書。爲之補傳。余閒取觀之。亦未諦也。按范氏後漢書陳氏三國志。靈帝中平四年。孫堅始爲長沙太守。獻帝初平三年。爲袁術攻劉表。戰死。袁術以蘇代領長沙。蘇代守長沙事無可考。蓋術敗與之俱去矣。范書劉表傳。建安三年。長沙太守張羨。率零陵桂陽二郡畔表。陳志劉表傳云。表圍之。連年不下。羨病死。長沙復立其子懌。表遂攻并懌。史不言其在何年也。建安十三年表卒。子琮降曹操。操辟劉巴爲椽。使招納長沙零陵桂陽三郡。蜀志劉巴傳曹操兵敗北歸。先主征江南四郡。長沙太守韓玄降。蜀志先主傳則不知玄爲曹操新任歟。抑劉表舊屬也。蜀志黃忠傳。忠爲劉表中郎將。與表從子磐共守長沙。攸

縣。及曹公克荊州。假行裨將軍。仍就故任。統屬長沙太守韓玄。然則玄與忠正劉巴之所招納者也。其為表之舊屬明矣。表克張懽。當以玄繼守長沙。歟。廖立傳。先主領荊州牧。擢立為長沙太守。此則繼立者也。時在建安十四年。及建安二十年。呂蒙奄襲南三郡。立脫身走。自此之後。凡六年。而漢亡。然六年中長沙太守皆吳所委任。不復關漢也。由此觀之。仲景之守長沙。必在建安十三年。劉表未死以前。而考之於史。孫堅蘇代之後。張羨父子稱兵。歷年。仲景作守。竟在何時。耶。以余論之。則張羨者。實即仲景也。范書劉表傳。李注。陳志劉表傳。裴注。皆引英雄記曰。張羨南陽人。先作零陵桂陽長。甚得江湘間心。然性屈疆不順。表薄其為人。不甚禮也。羨由是懷恨。遂叛表。籍則南陽官。則長沙太守。年則建安。其為仲景。何疑。仲景名機。而史以為羨者。羨非仲景本名。則必別名也。漢末人士。有別名者。多矣。裴松之注三國志。援證歷歷。余嘗悉心鈎稽。計得三十餘人。如曹操一名吉利。荀爽一名諧。韓遂一名約。邊章一名元。後漢書以王朗本名嚴。伍孚一名瓊。見董卓傳注裴注疑



原件短缺

P 25 - 28

科學家試驗磁石之所得以說明之。以磁石埋鐵屑中。取出時。兩端滿吸鐵屑。中部則無。將此磁石斷而爲二。復置鐵屑中。又復兩端吸鐵。中部仍無。夫此新斷磁石之一端。卽原有磁石之中部。何以前無吸力。後則有之。雖斷之極細。現狀亦如是耶。科學家解之曰。磁石由無數合點而結合者也。此各合點之一端爲正。別一端爲負。正力同一方向。負力亦同一方向。中部相抵。兩端始現。故多數合點合成之磁石。兩端顯磁性。卽合點之磁石。兩端亦顯磁性。我國之論陰陽。亦復如是。是以曰陰陽者數之可十。推之可百。數之可千。推之可萬。萬之大不可勝數。然其要一也。陰陽離合論一者何。卽科學家所謂之一合點也。又曰。夫言人之陰陽。則外爲陽。內爲陰。言人身之陰陽。則背爲陽。腹爲陰。言人身之藏府。中陰陽。則藏者爲陰。府者爲陽。金匱真言論雖然。豈獨身體藏府然哉。卽一毛髮一細胞間。何莫不有陰陽二性存焉。再以電學之理證之。電之爲物。與磁同。亦能使陰陽二性顯露者也。就天地言之。天空有電。地下有電。地面有電。天空之電。陽電多於陰電。地面之電。陰電

多於陽電。我國醫經名天空之電爲陽。地面之電爲陰。故曰天爲陽。地爲陰。日爲陽。月爲陰。陰陽離合論又曰。積陽爲天。積陰爲地。陰陽應象大論至地面水分。因太陽之蒸發。則化爲水氣。與空中之風磨擦而生電。故曰地氣上爲雲。天氣下爲雨。雨出地氣。雲出天氣。同上又當風雨之時。電氣最多。一有所阻。則發聲放光。故又曰陽之氣以天地之疾風名之。暴氣象雷。逆氣象陽。同上此天地間之陰陽。即天地間之電氣也。至吾人之身。實蓄有電氣。不僅蓄電。且能生電。以兩手足心相摩擦。即發生臭養氣。可以爲証。故經稱四肢爲諸陽之本。陽明脈解篇蓋以其爲人身生電機。而蓄電最富者也。且電能震人致死。則因人身爲電之導體也。天地有電。人身有電。且天地之電。並藉人身而過。此所以以人之陰陽。應天地之陰陽也。試以電觸動物死體。尸卽齒嚼唇張。眼睜鼻聳。甚至全尸起立。是爲尸變。此由其人雖死。體中之陰電未離。感應天空之陽電而起之作用也。且尸變後。旁人畏懼却走。尸必追逐者。則因此尸感應天空之電。復與他人身上之電。又起一種感應作用也。陰陽之爲用

如是非借科學之理。安能說明之耶。

### 前清醫學大家之概論

理事 喬尚謙

醫 有清醫學。勝于前朝。遺老如綺石青主。俱各震一時。綺石則書傳而名轉隱。青主則名傳而書無聞。一世傳傳氏男女科。乃原本石室秘錄。辯症奇聞二書。坊賈駕名先生以欺世者也。余往年曾詳論之。二書俱有刻本。可覆按也。沿及乾嘉時代。文物之盛。當推此時。及醫學亦莫不然。前有薛葉。號稱大家。徐靈胎稍爲晚出。而實極盛一時。道咸之際。陳修園尤首屈一指焉。此後如唐容川陸九芝與醫林改錯諸作。俱有所發明而不能無偏。約畧分之。槩分兩派。曰復古派。曰維新派。如薛如葉。未嘗不沉甜古學。而實以治溫專門者也。如徐如陳如陸。未嘗不流連時派。而獨以復古爲志者也。徐批臨症指南云。此老名震一時。臨症多年。夫豈無一二傷寒對手大症醫愈。足爲後人師承者。乃編輯者不知出此聚無數相類可刪之方。雜湊成編。殊可惜也。此可證徐虛心服善。雖不滿意于葉。而肯研究其醫學。固

如是也。而其復古之心。已于言下概見矣。考徐氏醫書。如傷寒類方。如蘭臺軌範。如難經經釋。如神農本草。皆意在復古也。今考南雅堂集。如傷寒金匱各種淺註。如神農本草經讀。亦無不以復古爲志者也。徐有醫貫砭之作。陳亦有新方八陣砭之作。是其名稱且祖述徐氏也。吾前謂陳氏之學。意在復古。其源實出於徐氏。蓋謂也也。此外諸家有偏于復古者。有偏於維新者。雖各有見地。要不足爲大家。竊謂復古維新。不容偏廢。必須雙輪並進。庶幾醫學日就昌明。慨自歐風東漸。偏于維新者實繁有徒。而提倡中醫意在復古者。亦復不少。吾意殊不敢爲左右袒。須知救人之術。惟醫是賴。無論復古。無論維新。惟求當病而已。中西何有哉。

### 歷年中西醫藥親身閱歷談

前人

僕少多病。中年苦沈疴。因留心醫學。嘗聞學貴虛心。從未敢傲然自足。自海禁大開。歐美醫學東來。見其手術之巧妙。醫藥器械之精良。尤所心折。然竊計平生經驗之效果。實與事實相反。此故證據確鑿。而無可諱言者也。余面有贅疣。時在部



供職。因情同人醫院古大夫割去之。彼時恐受劇烈之疼痛。因用麻藥割治。治後授藥水一瓶。屬晚間服之。不知爲麻醉後振奮精神之劑。服後脈數至七八指無倫。彼亦未曾預告。致有此駭人之危險。割後延及百數十日創口始合。此一事也。余手股間生一瘡。情同鄉韓珍山醫之。韓固西醫也。創口時常流水。奇癢異常。韓云用顯微鏡看子之瘡。當有若干如玻璃之水管在焉。韓雖言其當然而莫名其所以然。醫治四十餘日而無效。家姊偶取珍珠拔毒散搽之。頓覺瘡口清涼。痛癢較可。因覓一中醫外科治之。醫用乾糝藥。不二三日遂結痂而愈。此一事也。民國八年余骸間素有癬疾。因搔癢過度致翻花起肛。西醫見久不收口。不知爲癬蟲作。怪疑爲老年氣血衰。弱進以西藥助血之劑。不知余舊有血痔病。致使血熱妄行。每日便血數碗。延至年餘。後服黃土湯白公鷄等始獲全愈。而氣血亦自此衰矣。此又一事也。今歲偶因飲食不慎致患霍亂症病。後脈現促結。此亦老年常態。余與友人王君奉三商服復脈之類已見效。西醫諸友謂素經品驗此類現象。多

係胃病。彼指脈之停頓。緣心中發血管無力。擬進以毛地黃各劑。乃至服藥後反煩燥不安。繼仍改服復輩。並關東老山參。始大見效。山參他日當另爲論說明。此余歷次服西藥概未見效。或緣審病未確所致。亦未可知。而卒賴中藥收效。固歷歷不爽者也。然則吾人又烏可篤信西醫而遂弁髦中醫也哉。

# 纂述門

(生理類)

## 論營衛

理事 楊白城

人生受氣於穀而百穀之生也。皆具有與日光愛戰之力。含有陰電陽電兩性。人食之。經胃臟之消化。而兩性於以分解。一曰營。一曰衛。衛則含有陽電性。乃穀氣之慄悍者。由脈外行。先走四末。以溫肌肉。肥腠理。其功用則能撲滅蘊菌。故衛者衛也。所以衛外也。營則含有陰電性。乃穀氣之專精者。由脈中行。先榮四末。以潤五臟六腑。其功用則在滋養百骸。故營者營也。所以守內也。而營衛交流之域。則在人體谿谷之會。谿谷者何。謂毛管也。即西人所謂之細絲血管。此細絲血管。西人謂為物質交換之場所也。故營氣至此。則由脈中而滲出脈外矣。衛氣至此。則由脈外而滲入脈內矣。營氣滲入脈外。是能將所含之新物質。以補人體之所耗。故百體所賴以滋養者。在此衛氣滲入脈中。是能將人體中所含之舊物質。運至

脈中。上至於肺。憑人呼吸之氣。呼出濁氣。吸入清氣。而與營大會焉。此經所謂營衛。生會也。變血之紫者爲赤。是舊物質去而新物質生焉。下至腎部。過腎臟。則漏出水分與鹽質入子宮。則男子化精。女子化經。此經所謂營衛之所留止而生變化者也。是以舊物質去而新物質生焉。然則營也衛也。所以營新陳代謝之事也。換言之。無非電氣之工作而已。

## 肝藏血解

名譽  
會員 沈仲圭

夫血流行全體如環無端者也。肝乃臟器之一。謂爲血液經過之區則可。若目爲血液貯藏之所。無論血爲流動之物。不克中止其進行。卽或能之。亦屬死血。徒爲身害而已。是以肝藏血一語。粗視之頗覺費解。然細攷之。却有至理存乎其間。未可遽加訾短也。蓋飲食入胃。經胃腸之工作。化爲糜粥及乳狀。由血管乳糜管吸收之。以流行於全體。而彌補諸部之消耗。此讀生理學者類能道之。當新血經過肝臟。肝即攝取其中所含之糖分。變爲肝糖。貯於細胞。遇人體缺乏糖分之時。乃

將向日儲蓄之肝糖。復化成糖分。輸入血中。俾仍充足。蓋亦有備無患之意耳。余於以悟古人所謂肝藏血者。非藏血也。藏血中之糖分也。惟古人未諳化學。不知血液中更有糖分。且行文簡老。不事詳言。故概括其詞曰肝藏血。或曰肝爲迴血之總匯處。血液較任何臟腑爲多。錫以藏血之美名。又奚不可哉。答曰血液經過肝臟。不能認爲貯於肝臟。吾於篇端已言之矣。

### 經脈即血管之研究

前人

客有問於余曰。西人言血管。中醫言經脈。經脈與血管。究爲一物歟。二物歟。答曰。經脈與血管。實一物也。特名詞不侔耳。子如不信。可拈靈素之文證之。靈樞決氣篇『中焦受氣取汁。變化而赤。是謂血。壅遏營氣。令無所避。是謂脈。』此節釋血脈二字甚悉。曰壅遏營氣。令無所避。二語。非血行脈中而何。血既行脈中。則脈爲血管矣。

素問舉痛論曰。『經脈流行不止。環周不休。寒氣入經而稽遲。泣而不行。』夫脈中

無血。何能流行不止。更何至受寒凝泣哉。

素問脈要精微論曰。『夫脈者血之府也。』換言之。卽血液行於脈中耳。

靈樞百病始生篇曰。『起居不節。用力過度。則絡脈傷。陽絡傷則血外溢。血外溢則衄血。陰絡傷則血內溢。血內溢則後血。』絡小於經。絡受損傷。血卽外溢。血行脈中。尤覺瞭然。

學 靈素二經。若此類者不一而足。則脈爲血管。又何疑哉。

雜 客曰。經脈之爲血管。旣聞命矣。但西人論血管有動脈。靜脈。毛細血管之分。中醫亦有之乎。

答曰。靈素論經脈。亦有大小之別。試舉二節如左。

註 素問調經論曰。『風雨之傷人也。先客於皮膚。傳入於孫脈。孫脈滿則傳入於絡脈。絡脈滿則輸於大經脈。』

靈樞脈度篇曰。『經脈爲裏。支而橫者爲絡。絡之別者爲孫。』

觀此二條。可見脈有大小之分。大者爲經脈。小者曰孫脈。介乎其間者曰絡脈。且經言孫脈在皮膚之下。〔玩孫字之義。可知其爲微管。〕則細小繁多。又可想見。與生理學中之毛細管實無二致。蓋脈者。血管之總稱也。經脈絡脈孫脈。皆其分派耳。

客曰。西人言血液爲飲食所化。且循環全體。靡有已時。中醫亦有是說乎。

答曰。靈素何嘗無是說。請一讀營氣篇。即可瞭然矣。

其言曰。營氣之道。內穀爲寶。穀入於胃。乃傳於肺。〔西人謂血液係食物所化成。由腸胃之毛細管吸收之。以達於靜脈。夫靜脈。入肺者也。故曰傳於肺。〕流溢於中。布散於外。〔流於中者。大血管也。散於外者。微絲血管也。〕精專者行於經隧。〔西人謂吸收精微之途有二。一曰毛細血管。二曰乳糜管。入於毛細管者曰血液。其色赤。入於乳糜管者曰淋巴液。其色白。寔即中醫所謂清者爲營。濁者爲衛。營行脈中。衛行脈外之義。此節專論營氣。故曰精專者行於經隧。然精專者。氣既

行於經隧。管則慄悍者氣之行於經外。淋巴又在不言中矣。常營無已。終而復始。〔即西人所謂血環周身。晝夜不息。〕

醫

客曰。任脈專主血。督脈專主氣。安得以經脈當血管之說哉。

學

答曰。奇經八脈。原非經脈。安得并為一談。章太炎先生曰。奇經有八。說亦不諦。惟衝脈當以脈名。督脈即中樞神經。任脈在男子即輸精管。在女子即輸卵管。與

雜

脈為血管專名殊矣。帶脈舉世未見。陽蹻陰蹻陽維陰維。皆足膝中筋腱。亦名曰脈。何哉。蓋脈絡一氣貫通。詎有歧出。八脈不相連屬之理。至章氏名衝為脈者。蓋因經有『衝脈為十二經之海』一語也。

誌

客曰。內經經脈篇論十二經之脈。條分縷析。各不相屬。子將何說。

答曰。人身之血管。參互錯綜。殊難僂指。經脈篇所言。特舉其大者耳。若微細如毛之孫脈。安能一一盡列。然經與經間。必有孫脈為之連接。不然。何以解於『常營無已。周而復始』之文哉。



〔注〕篇中第三節對於營即血液，衛即淋巴液之義，因限於題旨，不暇詳言，讀者可參觀高思潛君之營衛解。〔見三三醫報第一卷第一期第一篇。〕

（衛生類）

張栗庵先生存書栗庵名學寬皖人仕於清精醫此書其所著也原書不著姓名惟名為存書擬分期登之

屈子遠遊曰：壹氣孔神兮，於中夜存。司馬相如賦大人曰：超無友而獨存。蓋綿綿若存，以存吾身。參同以下諸書，旁暨佛氏台宗，不過明此意爾。莊子在宥曰：吾與日月參光，與天地為常。當我緝乎，遠我昏乎，人其盡死，而我獨存乎？存之為義，遠矣。故以名書。

孟子曰：其為人也寡欲。雖有不存焉者，寡矣。其為人也多欲。雖有存焉者，寡矣。此儒者省身克己之方，而內照凝神，亦不外是。

漢志有道家有神仙家。然谷神不死，質本柱下。虛極靜篤，數語遂為坐忘遺照。先河而管子之內業心術等篇，亦與魏張之書為近。故言神仙者，究以道家為初祖。

焉。

修練之法。不外胎息通關采藥導引數端。各家所言。看似重複。然詳略相備。彼此相通。悉為甄采。以資通會。書中解說。多本舊註。其有未愜。別為按語。

甲子仲秋上旬編訖自識

存書谷神

谷神不死。是謂玄牝。玄牝之門。是謂天地根。綿綿若存。用之不勤。老子又列子引黃帝書

按此章之義。自以王弼張湛二家為最告。茲不具錄。迨方技家轉為丹訣。則其說滋多。然都略示機緘。引而不發。惟董思靖老子集解引朱真人云。時人要識真玄牝。不在心兮不在腎。窮取生身受氣初。莫怪天機都洩盡。此言極為明確。悟真道光所注。其義亦同。蓋順則成人。逆則成仙。言順氣化醇之氣而逆寫之則成胎而為人逆搆之則成丹而為仙也。原非二物。所用之異爾。無極之真。二五之精。妙合而凝。結丹之道如是而已。黃晦木曰。此竅也。玄牝指人身命門兩腎空竅之處。氣之所由以生。是為祖氣。

涵虛生。不著姓名自號紫霞洞主有道德經注釋曰。參同契云。乾坤者易之門戶。所謂兩孔穴法。金氣相胥。一作金水卽此玄牝之門也。陰陽往來於其內。坎離交媾於其中。地天交泰。不外乎此。故又稱爲天地根。言天地互藏之根也。天地之根。乃反本還原之地。煉神化氣之區。綿綿若存。卽是調養谷神之胎息。用之不勤。卽是外爐增減自然之符火。

九竅之邪。在乎三要。可以動靜。陰符經

李安溪曰。九竅者。目二耳二鼻二口一大小遺各一。三要者耳目口也。九竅各有邪。而其感動之機。在乎三要。徇動則逐於邪矣。守靜則歸於性矣。

按參同契曰。耳目口三寶。閉塞勿發通。達生錄曰。精氣神爲內三寶。耳目口爲外三寶。常使內三寶不逐物而流。外三寶不誘中而擾。

心生於物。死於物。機在目。同上

李安溪曰。三要之中。目之感物最速。其所見者則心生。所不見者則心死。按謂心死

第二十九期 專述門

四十四

定 是此心之機。目爲之也。是故以心制目。以目制心。按程子謂制之於外。以安其內。老子曰。不見可欲。使

心不亂張紫陽曰。心能役神。神亦役心。眼者神遊之宅。神遊於眼而役於心。心欲求靜。

必先制眼。抑之於眼。使歸於心。則心靜而神亦靜矣。

接近人謂繫念於兩目中間齊平處。或眉心。爲捷中捷訣。可與此互證。

自然之道靜。同上

按老子謂天法道。道法自然。而自然之道。不外乎靜。然則靜之時義大矣。

聖人知自然之道不可違。因而制之。至靜之道。律歷所不能契。同上

李安溪曰。聖人以靜爲本。是能制其心以體道者也。洗心退藏於密。非律歷之

所能契。言其無形也。未完

(病理類)

纂輯中西解剖病理

## 孟河馬某治蛇傷

名譽理事 楊星垣選寄

前清孟河馬某。刀針手法。素有家傳。治一小童。年十五歲。因割草爲土灰蛇咬傷。手臂漫腫乾癢。皮皺肉黑。臭不可近。黑色漸近尺澤。踵馬門求治。馬某曰。肌肉已死。治亦無益。如再遲延。黑至肩腋。毒攻入心。必死無疑。不如去之。先用參一兩煎湯與服。待半日許。飲以麻藥。用紅帶兩條。一紮上白肉處。一紮下黑肉處。俱紮緊。中空一寸。乃黑白交界之處。以鋒刃將肉割開。上止血丹。割至露骨寸許。骨亦青黑。卽用銼將骨四圍銼斷。取下其手。以止血生肌藥敷之。包以玉紅膏。調理一月。其肉復長。此等手法。較之近日西醫。何多讓焉。

湯星甫治脫骹<sub>二則</sub>

名譽會員 沈仲圭選寄

一富翁傾跌傷臂。骹脫。護痛不許人動搖。人皆技窮。湯星甫令患者向隅立。卒取冷水潑其項。患者陡作寒噤。乘勢將臂一把。骨隨入骹。愈矣。

一人因跌而脊骨脫骹。下節錯向內。無可着手。湯星甫令其家密備栲栳一隻。中

安棉絮置於旁。扶患者環柱走。走乏。卒推置栲栳間。上身直而下身彎環。所脫脊骨稍凸出。遂以按入而愈。

### 傷寒、太陰症之研

梁秉鈞

夫太陰者。即裏寒寔症是也。蓋其人內有久寒。倘過邪客。雖初得陽症。及其入裡。遂從寒化。而胃氣猶有守故能搏實矣。其所受者。多自太陽病誤下而來。有雖不因誤下。或因誤藥而變成者。亦有自少陽來者。或氏曰太陰病者陽邪傳裏也。因太陰有桂枝法而發也。其曰自利。曰吐食不下。曰時腹痛。皆寒盛之徵。曰腹滿。曰下之心下結硬。俱寒寔之驗。其初起滿寔。陽氣能持者。則桂枝加芍及加大黃湯。以為和泄溫利之法。如其脈弱者。必須細加斟量。病既重者。則用四逆輩以溫散之。不口渴即與少陰分別處。蓋寒寔之病。雖胃猶閉持。以寒固胃之所忌。其寔之極。中氣必敗。不似熱症之久寔。故初起雖用溫利。至其重者。則當扶陽散寒耳。此太陰病之要領也。

### 遺精病理中西相通之我見

王治華  
胡齊瑞

健康之體。氣盛精旺。淡色慾。節房勞。其有偶然一遺者。非病也。乃盈滿而遺也。若每夜一遺。或三五日一遺。致疲勞倦怠。耳鳴頭眩。則病矣。西醫有生理病理遺精之分。而病理遺精。則又有有夢無夢之別。與中醫之說。實相吻合者也。

中醫之論遺精。不外有夢無夢濕熱三者。以有夢為心病。無夢為腎病。濕熱為肝經下注。病西醫則曰神經衰弱。脊髓中樞神經衰弱。局部疾患。鄰近疾患三者。細釋其理。中西醫可相通者。爰為歷證如左。

一西醫之所謂神經衰弱。先後天神經衰弱。貧血而兼衰弱者。即中醫之所謂無夢屬腎而遺也。亦即虛勞症也。金匱曰。勞之為病。其脈浮大。手足煩。春夏劇。秋冬瘥。陰寒精自出。又曰。失精家。小腹弦急。陰頭寒。目眩髮落。脈極虛芤。為清穀亡血。失精是也。

一西醫之所謂脊髓神經衰弱而促其遺精者。多脊髓病患。及中毒慢性後部尿道淋。即中醫之所謂有夢屬心而遺者也。然腎主骨髓。則此症應合腎矣。殊不知

脊隨神經中樞受傷者。蓋因房事手淫過度。或淫思所致。而房事手淫淫思。實由君火一動。相火隨之所致。心腎二藏。同時受病。特心爲主使。而腎受其傷。以主要原因言之。故曰合於心也。

一西醫謂思之主宰在腦。與心何關。抑知思屬於腦。中醫亦嘗經先賢丹溪論定曰。見人之思。每以手按腦而尋索。則可知思之在腦。其說較西醫尤簡括明確。但西醫亦嘗言腦筋有通於心者矣。大凡人見美色觸於目。卽入印於腦而起淫思。因腦筋通於心。而君火搖。相火遂因之而熾。吾之合思於心者。仍本西醫腦筋通心之說也。

一西醫之所謂局部疾患。鄰近器疾病。卽精囊炎腫瘍。尿道狹窄。龜頭炎。痔結核。及直腸炎等。在中醫卽屬肝經濕熱下注。乃濕邪入裏化熱傷陰所致也。蓋肝經濕熱下注。則小便短澇而成五淋。或前陰生濕瘡。且痛且癢。甚至腿腹交界之處。發生結核。若濕傷陰者。則多在後便血而成直腸炎者是也。



由上說觀之。中西醫於遺精病症。雖持論各異。而理則一也。惟名詞不同。說理因之而異耳。其學理相通。所謂異曲同工。殊途而同歸也。雖然。病理上之立論。固難免無是是非非者。是當平心靜氣而研究之。以闡明學理。豈容存畛域之見。而互相攻訐。每笑淺見者流。學未窺徑。於異己者。則嘵嘵不休。妄肆批評。亦多見其不知量耳。

(診治類)

(診法)

色脈篇 續二十八期

理事 楊百城

論色脈合形氣之關係

經云。凡治病。察其形氣。色澤脈之盛衰。病之新故。乃治之。無後其時。

此言形氣色脈之當參合以治也。夫五臟相傳。有淺有深。所當察其形氣色脈。急治之。稍緩焉。則後時。以致不救者多矣。故經申明其義曰。形氣相得。謂之可

治色澤以浮。謂之易已。形氣相失。謂之難治。色天不澤。謂之難已。一新病乘逆淺。一久病乘傳深。此經合色與形氣而言之如此。又曰。形盛脈細。少氣不足以息者危。形瘦脈大。胸中多氣者死。一邪氣盛而正氣脫。形勝氣也。一正氣衰而病氣進。氣勝形也。此經合脈與形氣而言之如此。是故治病者。當於形氣色脈中參合求之。斯病無遁情矣。於以決吉凶。斷死生。雖謂扁鵲倉公至今存焉可也。

### 論色脈合尺之關係

經云。色脈之與尺相應也。猶桴鼓影響之相應也。不得相失也。

此言色脈之與尺相參應也。夫天地之道曰陰與陽。在人曰氣與血。氣衛於外。色者其氣之華也。血營於內。脈者其血之府也。人生氣血相資而行。行裏則通於五臟六腑十二經絡。行表則濡於九竅四肢百節毫毛。晝夜循行。如環無端。以成其度。會於寸口。寸口者。掌後腕骨之部也。經所謂色脈之與尺相應者。歸

指此部而言。謂脈外之氣血。循手陽明之絡。而變見尺膚。脈內之氣血。循手太陰之經。而變見尺寸。此皆胃腑五臟所生氣血之出候也。上工於此。按脈動靜。循尺滑濇寒溫之意。此二句見方盛衰論脈滑者尺之皮膚亦滑。脈濇者尺之皮膚亦濇。尺膚滑。其淖澤者風也。尺膚濇者風痺也。尺膚粗者如枯魚之鱗者。水跌飲也。尺膚熱。其脈甚躁者。病溫也。其脈盛而滑。病且出也。尺膚寒。其脈小者。泄少氣。尺膚炬然。先熱後寒。寒熱也。尺膚先寒。久之而大熱者。亦寒熱也。故善調尺者。不待於寸。善調脈者。不待於色。此所以為上工也夫。

莫枚士研經言釋代脈篇書後

名譽 理專 張山雷

壽頤案莫氏謂乍疏乍數。屬於代脈。因其疏數不勻。已有間斷疾遲之態。遂謂後人引申其意。乃專以為欲止之稱。立說甚新。自有意味。未嘗不可以備一解。惟壽頤之意。則謂脾脈代之代字。當從景岳四時禪代之說為允。惟脾土寄旺於四季。不主一時。故四季脈象。仍當有合於春弦夏洪秋毛冬石。不能獨自別成一種脈。

形。此脾脉必以代為平脉之正義。實於歇止之代脉。名同而義必不同。若以乍疎乍數。而謂為脾家平脉。又何解於乍疎乍數者死之一義。且觀素問但代無胃曰死一句。更可知雖隨四季為轉移。亦必以和緩有神為最要。如無胃氣。而春則但弦。夏則但洪。秋則但毛。冬則但石。又為真藏獨見之象。此非乍疎乍數。有類歇止之代。尤其顯而易見。合而參之。其義益明。今枚士必以脾脈之代。與歇止之代合而為一。終是未妥。

脈訣闡微

不知何人假託 鬼臾區作

名譽理事 楊星垣錄寄

第一篇

鬼真君曰。脈理甚微。原非一言可盡。人病多變。又豈一脉能包。論其陰陽。別其生死。察其臟腑。觀其症候。既上中下之宜分。必寸關尺之自定。左寸心。左關肝。心木寧無至性。右寸肺。右關脾。土金本有深情。惟兩尺為腎。水火實難分配。中間是命。左右還可同觀。三焦別上中下以相診。餘經合寸關尺而共視。蓋部位容倒置。辨

貴分明。而表裏何必細分。不宜拘執。雖按指以三部爲法。數息便悟斷經。顧看脈以五臟爲主。知臟卽通治腑。察時令之節氣。春夏異於秋冬。審一日之晷時。寅卯殊于申酉。大約逢尅則凶。逢生可救。我生則緩。我尅難醫。因五行而推斷。舉一隅而可知。弦似乎緊。似乎微。浮與芤相反。沉與伏甯殊。洪全實狀。弱帶濡形。辨之既清。病將安遁。故急則爲痛。弦則爲風。緊則爲邪。緩則爲虛。微則爲冷。數則爲熱。滑則痰多。濇則鬱寒。洪爲火旺。大爲血乾。沉爲陰寒。遲爲因乏。小者氣衰。細者血涸。浮者氣升。伏者脈結。芤多失血。質多壅氣。弱是陰虧。濡是濕犯。長是正氣之和。短是邪氣之尅。代爲正氣之衰。革爲正氣之脫。結爲邪氣之搏。促爲正氣之耗。動有變動之機。靜有安寧之喜。毛主火之將旺。石乃水之極沉。軟是力薄。堅是邪深。鈎爲血之和。躁爲血之燥。搏擊指而有太過之虞。散去指而無可留之狀。脈嫌其絕。脈貴其平。既知各脉之異同。可斷諸證之常變。然而診脈必須得時。要在日之平旦。按指原無異法。貴取氣之甚清。自然虛實易明。盛衰易辨矣。

## 第二篇

鬼真君曰。人身之病。變遷原非一致。人身之脈。紛紜必有殊形。故六部之中。每顯各異之狀。一經之內。常呈兼見之端。浮而弦。浮而數。多無定象。沉而細。沉而遲。不少同觀。必須統論其精微。始可獨斷其真偽。故浮而兼滑也。必是風痰之盛。浮而兼大也。決爲氣血之邪。浮而兼遲也。虛風之害。浮而兼濡也。濕氣之侵。浮而兼細也。血隨氣而上升。浮而兼洪也。火得氣而更旺。浮而兼芤。定爲血泛之虞。浮而兼緊。決至邪重之苦。浮而兼急。必疼痛於上焦。浮而兼弱。必萎靡於下部。浮而兼長。氣雖升而不傷其正。浮而兼短。氣欲結而難散其邪。浮而兼結。邪搏于經絡之間。浮而兼革。正脫於臟腑之內。浮而兼代。邪居於胸膈之處。浮而兼促。正傷於衛營之中。浮而兼動。氣有變遷。浮而兼靜。氣將寧息。浮而兼毛。氣得火而上騰。於頭目。浮而兼躁。火因氣而上炎于咽喉。浮而兼鈎。氣升之和。浮而兼搏。氣浮之極。浮而兼爽。氣虛之甚。浮而兼散。氣不可收。浮而兼平。氣乃無病。沉而兼遲也。寒虛之

至。沉而兼澀也。鬱滯之深。沉而兼滑也。寒痰之不舒。沉而兼小也。冷氣之難發。沉而兼實也。氣得寒而不揚。沉而兼微也。精因冷而欲脫。沉而兼細也。血逢陰凝之象。沉而兼緊也。邪乘寒冷之微。沉而兼急。小腹有寒邪之痛。沉而兼濡。兩足多水脹之侵。沉而兼長。氣陷而正尙未傷。沉而兼短。精冷而邪將不換。沉而兼結。邪搏於至陰。沉而兼革。正脫于髓海。沉而兼代。命門將絕而可危。沉而兼促。元陽欲脫而可畏。沉而兼靜。陽寒能守。沉而兼石。陰固不遷。沉而兼奕。腹冷有痛楚之苦。沉而兼散。精寒有涸絕之危。○更有濡遲兼見。無非濕犯乎虛。濡滑同來。尤是痰成乎水。濡中兼大。濕因血耗以相侵。濡中兼小。水趁氣衰以相犯。濡而兼弦。風水之患深。濡而兼芤。痰血之症急。濡而兼長。水濕易散。濡而兼革。水濕難消。濡而兼動。水有泛濫之盛。濡而兼靜。濕多浸潤之微。濡而兼奕。水邪乘虛而相生。濡而兼散。正氣隨濕而欲脫。○遲而兼澀。鬱中以成弱。遲而兼滑。濕內以招虛。遲而兼大。氣血皆居乾燥。遲而兼小。精神必至伶仃。遲而兼微。虛寒之氣。遲而兼細。匱乏之身。

醫

學

雜

誌

遲而兼弦。內傷之風。遲而兼孔。內傷之血。遲而兼長。病不足畏。遲而兼短。症實可愁。遲而兼代。必至損傷脾胃。遲而兼革。定然渙散精華。遲而兼石。氣寒將侵于骨。遲而兼爽。血衰少養乎心。遲而兼散。寒極而氣飛。遲而兼靜。陰微而精固。○數而兼滑。亢炎之痰。數而兼大。沸騰之火。數而兼實。氣壅於熱。數而兼弦。火助乎風。數而兼洪。熱有燎原之盛。數而兼緊。邪有烽火之傳。數而兼孔。吐血何狂。數而兼代。喪軀必速。數而兼革。走陽可許。數而兼促。消正堪憂。數而兼動。恐有發狂之變。數而兼毛。定多消渴之成。數而兼搏。火刑金而口舌無津。數而兼躁。火燒心而脾胃生焰。○瀉中兼小。氣血虧而鬱志莫伸。瀉中兼實。氣血壅而思想難遂。瀉中兼微。氣寒而滯。瀉中兼細。血少而愁。瀉中兼洪。鬱怒不解。瀉中兼急。鬱痛安禁。瀉中兼結。邪搏于兩脇之間。瀉中兼促。正虧于半表之際。瀉中兼革。氣欲脫于腎肝。瀉中兼代。氣將絕于脾胃。瀉中兼石。寒鬱不宣。瀉中兼促。風鬱難出。瀉中兼搏。鬱甚莫解。瀉中兼靜。鬱極安移。○滑而兼大。痰借血以爲災。滑而兼小。痰借氣而作祟。滑



而兼實。氣塞於痰中。滑而兼微。痰冷於胸次。滑而兼細。痰旺而血枯。滑而兼弦。水盛而風急。滑而兼洪。濕熱成黨。滑而兼扎。痰血為疴。滑而兼緊。邪得濕以助威。滑而兼急。邪乘濕而增痛。滑而兼濡。濕盛恐邪氣之添脹。滑而兼革。水多防正氣之難收。滑而兼動。水畜致腸腹之鳴。滑而兼毛。火沸召痰涎之吐。滑而兼軟。濕痰積而不消。滑而兼堅。濕邪留而不散。滑而兼搏。痰有傾盆之嘔。滑而兼散。水如走石之崩。餘脈俱可類推。各經正當細辨。總以脾胃之氣為要。更以平緩之脈為先。倘下指之時。均有寧靜之致。庶幾藥餌之用。可許康健之祥矣。未完

(治 法)

歷代名醫治療法彙錄續

理事 揚百城輯  
趙意空

砭石

上古鍼法。垂布於天下。制砭石有大小者。乃隨病所宜。用石代鍼。一曰鍼石。二曰砭石。三曰鑱石。其實一也。破堅決肉。砭射腫熱者。則決之以砭石。良由邪氣暴戾。

則微鍼不能及。况又病有氣血盛實。逆於肉理。蓄結癰腫之類。非砭石則不能射之。此所謂血實宜決之。又形樂志樂。病生於肉者。治之以砭石。東方之民。多病癰瘍。其治宜砭石。砭石之來。始自於此。扁鵲有云。病在血脈者。治以砭石。是故一切腫疾。悉宜鑲割。足小指下。橫文間。腫在左。則割左。在右。則割右。血少。出則差。以至丁腫癰瘍。丹毒癰疽。代指。漏病。氣痛。流腫之類。皆須出血者。急以石砭之。大抵砭石之用。其法必瀉。若在冬時。人氣閉塞。則用藥而少鍼石。所謂少鍼石者。非癰疽之謂也。癰疽不得頃時回。苟緩於鍼石。則毒氣內攻。腐壞筋骨。穿通腑臟矣。治石丁瘡。則忌瓦礫。磚石之類。治刀鑲丁瘡。則忌鐵刃傷割。若是者。可以藥治也。素問又曰。人病頸癰。或石治之。或鍼灸治之。而皆已。此蓋同病異治也。夫癰疽之氣息者。宜鍼。開除去之。氣盛血聚者。宜石而瀉之。若然。則砭石九鍼之用。各有所利。善治血脈之變。癰腫之病者。當審輕重而制之。砭以上錄聖濟總錄

(治療各稿)

## 療身病莫若療心病說

名譽會員 劉前英

求木之長者必固其根本。欲流之遠者必浚其泉源。思國之安者必積其德義。斯誠追本窮源之論也。治病亦然。欲治病之愈者。必先療其心。誠以無形之心病。仍當以心藥治之。非草木藥石所能奏效。反是則如源不深而望流之遠。根不固而求木之長。德不厚而思國之安。心不正而欲病之愈。雖至愚者亦知其必不可焉。夫人之受病。大抵分爲二種。外感與內傷。外感者。天之六氣。陰陽風雨晦明。陰淫寒疾。陽淫火疾。風淫風疾。雨淫濕疾。晦淫燥疾。明淫暑疾。此六氣致病皆屬外感。所謂天刑之病是也。故必賴草木金石之藥治之。乃見功效。內傷者。人之七情。喜怒哀憂思悲恐驚。喜傷心。怒傷肝。憂思傷脾。悲傷肺。恐驚傷腎。此七情之病。皆屬內傷。所謂自戕之病是也。然此五臟七情之病。統皆由心而生。藥能治有形外感之六氣。不能治無形內傷之七情。能治無形內傷之七情。不能治動靜無端變幻無常之心病。此惟以本身心藥治之。最易奏效。心藥者何。有詩云。自身有病自心知。

身病還將心藥醫。心境靜時身亦靜。心生還是病生時。此即心藥也。大學亦云心正而後身修。先賢已說明矣。近人偶抱小恙。鬱鬱於心。恐懼不已。延醫診治。設遇醫之庸者。金石雜投。是本無病。轉而致病。何若靜心寡慾。自然消弭於無形耶。所謂天下本無事。庸人自擾之。張汝偉先生之怯病論。辭意極端明晰。理由尤爲充足。換言之。怯病者即係心病之現象也。誠以心爲君主之官。神明出焉。心主無病。則臟腑即或有病。不難療治。獨此心一動。百病悉來。雖軒岐再世。亦不易下藥矣。故昔之聖醫。能療人心。預令不至於有病。今之醫者。惟知療人之病。而不知療人之心。捨本逐末。欲求病之速愈。則誠緣木而求魚也。

### 崇病醫案

錄 泗溪醫案

名醫 沈仲圭  
會員

林家巷周宅看門人之妻縊死。遇救得甦。余適寓周氏。隨衆往看。急以紫金錠搗爛。水灌之而醒。明日又縊。亦遇救。余仍以前藥灌之。因詢其求死之故。則曰。我患心疼甚。有老嫗勸我將繩擊頸。則痛除矣。故從之。非求死也。余曰。此嫗安在。則曰。

在床裏。視之無有。則曰相公來已去矣。余曰。此縊死鬼。汝痛亦由彼作祟。今後若來。汝即嚼余藥噴之。婦依余言。嫗至曰。爾口中何物。欲害我耶。詈罵而去。其自述如此。蓋紫金錠之辟邪神效若是。

(圭按)此卽鬼病。鬼何以能病人。則以人有可乘之隙也。所謂可乘之隙者。或元氣衰憊。或心思邪淫。或迫於環境而厭世。或怒無可洩而覓死之類是也。苟無前世宿怨。咸可療治而愈。此等鬼病。余曾見之。師兄朱文瀾之次女患喉痧。數日後病勢增劇。伊姊蘭生附體爲祟。卒致不起。惟姊妹至親。何以反相侵害。殆前世怨結爲之耳。

### 診治怪證五則

名醫  
理學 葛蔭春

四十年來鄙人所遇之怪證甚多。然有是病。必有是理。得其理。則順理而求治法。未有不愈者。茲將近來所診諸怪證畧陳於右。用備研究之材料。

德姓婦年五十三。經斷三載矣。忽然而崩作。下如屋漏水。中有如魚蝦形之蟲。隨

水而下蠕蠕然動病者駭然。醫家亦莫名其妙。愚細詢致病之由。因入廁而得。蓋風由陰戶襲入胞中。其理與腸風下血同義。蠕蠕然者。乃胞中之濁。因氣感化使然。譬如新雨後。風掃階除。蛞蝓遍生。同一義也。乃用古拜散二錢。以蛇床子卷柏炭煎湯沖服。一劑而止。

弓姓婦人新產三日。惡露頗暢。偶因其夫披衣。而風襲其面。一驚遂寒熱眩冒。吐血成碗。舉家驚駭。延余至。診其脈。兩寸浮數閃灼。面赤如醉。予斷之曰。此因風襲而驚。驚則氣上。風引火升。惡血上溢。乃爲處黑荆芳炭澤蘭合四物湯。大黃黃連瀉心湯。煎成和入安宮牛黃丸一粒與服。一劑而神清熱退。惡露復下行。次日再進以四物加白薇硃蘂茯苓神丹參獲痊。

金翁年七十矣。食已卽吐痰涎。水食交雜。吐後胸中奇痒如蟲行狀。搔之不作。已將一月。憊甚。乃延余。余診其脈。右關滑疾。此胃中有蟲與痰熱也。先試以烏梅丸。丸入卽吐出。大便常三五日一次。更爲處甘草粉蜜湯。加入戈製半夏末二錢。並

囑之曰。徐徐嚥之。或吐或瀉任之。當有蟲出。病家如法盡劑。次日走告予曰。夜間上吐下瀉。挾紅黑蟲無數。大者如蛆。小者如蠛。現尙在吐利中。再處以烏梅丸。改煎。吐利遂止。其痒若失。進食不吐矣。

曹德海軍人也。得一證。皮中有物如蟹狀。走注上下四肢無定。所過處則肉凸起。或凝於一處。二三日不動。或一日游走無定。小有痛痒。食飲如常。醫皆莫測其故。從皖歸就余診。並謂西醫欲以刀割之。彼游疑而未果。愚一時亦未悟得其理由。即以大針刺入。其物卽欲動而不得。似作躑躅之狀。囑以一晝夜勿去針。其物遂殭而不動。乃爲去其針。嵌以降藥。肉乃潰腐。腥臭作膿。依潰瘍例治之。膿盡肌生。其患若失。病雖愈矣。何以至此。至今尙未悟得原委。據曹云。駐軍石埭縣。縣多石穴。有蟹如錢大。其色赤。初不敢食。土人常醃之以作饌。其味極羶美。余遂常食之。而購斯疾。豈此蟹之留毒歟。彼土人何以食而不病也。願高明研究焉。

同僚王英逸之子十二歲。左腿從脛循腿外側而及於巔。痛不可忍。痛處其熱如

醫 學 雜 誌

熾。日夜號叫。醫作風治不應。子為處一方。用連藤金銀花五兩。當歸五錢。葛根五錢。天花粉五錢。牛蒡子三錢。紫花地丁一兩。黃酒二兩。同煎濃湯飲之。並囑之曰。夜若煩躁勿怪也。如有紅疹出則大妙。至夜果煩躁甚。晨起視之。遍身隱隱出紅疹矣。舌赤如朱。煩渴引飲。半月而疹鮮紅。間作紫。即用大劑化斑湯。加紫背天葵子。連藤金銀花。連翹。竹葉。鮮生地。元參。並用萬氏牛黃清心丸。護其宮城。七日而諸證全退。大便未行。再與增液承氣湯。得更衣。再與以增液湯。加銀翹。西洋參。遂復原。

### 暑熱氣閉証治愈

名醫 劉蔚楚

姊丈韋潤生。好客喜飲。盛暑游山。途中暈眩汗渴。同時飲豆腐漿一瓶。壯熱無汗。頭痛發煩。諸醫遵金匱者。與白虎湯。存津液者。與小承氣。犀角地黃。專溫熱家者。治以紫雪牛黃至寶丹。守傷寒論者。復救以少陰四逆諸湯。未十日。垂危。家姊迎予。委以專醫。余電番禺請黃君登雲共商。君來商得始病暑熱。為冷物所壓。壯熱




無汗。香薷飲加清疏藥。最是的方。暑與熱與喝。與西人日光病。名異實同。乃舍此而用寒用熱。無一不論與症違。方與病戾。今據脈沉伏。唇面色深紫。曠臥失語。汗出溺短。與食則拒。與水猶咽。似與黃太夫人之熱閉肺胃前案同。但暑與溫有異。此症不兼濕。溺且短。則治法與前案亦同中有異也。夫肺司開闔。胃主運輸。動力則皆發原於生氣。肺主聲。肺閉則失語矣。胃主痛。胃閉則曠臥矣。色深紫則營氣閉矣。西說物糜於胃。吸液管吸其精華。運化為血。與迴管收回之藍血。必經肺下。賴肺氣吸清吐濁。其血始紅。作用正自相關。陳平伯謂衛氣皆肺胃所主。則衛氣閉而營氣亦閉。其理甚明。舍發舒肺胃。生氣其將何望。兼之舌尖現起小瘰。營熱閉結。當開泄氣分。以清熱通營。又初病即齒縫流血。其痛者為胃火衝擊。時醫多用消滯攻治。使胃汁先涸。陰液劫傷。此葉天士之言。徐河溪評為正論者。壽治亦豈外舒達肺胃。清熱通營耶。彼此意同。則立方自有定向矣。

先擬通絡飲。取鮮蓮葉邊、絲瓜皮、西瓜翠衣、鮮銀花各二錢、加鮮菖蒲八分、鮮竹

茹、紫草、茸、鬱、金、射、干、各二錢、鮮、藁、香、葉、三、片、重、用、鮮、蘆、根、四、兩、煎、水、煮、藥、另、用、鈴、羊、尖、六、分、以、清、肺、犀、角、尖、六、分、以、清、胃、磨、汁、和、灌、蘆、根、形、如、肺、管、甘、清、涼、肺、生、水、中、縱、橫、條、達、津、液、之、閔、隔、生、病、者、能、透、膈、膜、使、之、通、行、見、鄒、氏、續、疏、用、之、弱、短、赤、者、尤、宜、此、等、藥、用、七、日、熱、先、退、人、略、醒、此、後、如、嫩、稻、秧、知、母、真、建、蘭、葉、鮮、杞、葉、重、樓、金、線、丹、參、各、三、錢、雙、鉤、藤、白、蓮、瓣、各、錢、半、與、前、方、出、入、加、減、約、二、十、日、後、病、漸、已、再、擬、西、洋、參、不、去、心、麥、冬、竹、葉、捲、心、各、一、錢、元、參、沙、參、各、二、錢、鮮、枸、杞、根、鮮、茅、根、苡、仁、水、浸、百、合、熟、蕪、仁、肉、各、三、錢、徐、洵、溪、治、夜、燥、不、眠、用、熟、蕪、仁、肉另、以、枇、杷、膏、銀、花、露、蓮、花、露、取、瑰、花、清、暑、降、逆、多、泡、茶、飲、可、治、噎、氣毛、燕、湯、鮮、茅、根、每、四、兩、熬、水、燉、鴨、助、之、鴨、以、小、野、雞、鴨、全、黑

者、尤、佳先、一、派、清、芳、活、利、再、一、派、潤、燥、生、津、總、以、通、經、絡、運、樞、機、調、肺、胃、舒、衛、通、營、爲、主、而、成、效、收、脈、有、六、陰、六、陽、斜、飛、反、關、談、太、素、者、謂、六、陽、主、壽、六、陰、主、貴、黃、師、母、脈、乃、六、陽、章、姐、丈、脈、乃、六、陰、診、脈、者、不、宜、籠、統、至、此、次、藥、甚、平、淡、辨、症、果、真、用、法、果、當、雖、垂、危、已、辨、壽、具、亦、可、倖、痊、余、何、能、實、余、友、主、持、之、力、也、



原件短缺

P 67-70

氣皆感風毒所致。此乃要訣。小腹頑皮。後令人嘔吐者。名脚氣入心。如斯者難治。初得便速灸之。服竹瀝湯。灸訖服八風散。無不瘥者。但灸不服藥。但服藥不灸。後必更發而難治矣。今將灸脚氣按穴先後法。並治療各種方。畧具於左。

按穴灸法

- (初)風市 (次)伏兔 (次)犢鼻 (次)兩膝眼 (次)三里 (次)上廉 (次)下廉
- (次)絕骨

治脚氣初起方

千金竹瀝湯 竹瀝五升 麻黃一兩 升麻兩半 防風兩半 秦艽一兩

細辛一兩 杏仁五十粒 茯苓二兩 干姜一兩 附子二枚

黃芩一兩 葛根一兩 甘草一兩 桂心一兩 防己二兩

以水七升合竹瀝煎三升分三服取汗

治脚氣脇下有痞塊方

杉木湯 杉木節一升 橘皮一升 大腹皮檳榔合子碎之七分

童便三升煮一升半分二服以快利即止

治脚腫方

檳榔散 陳皮 握 沙木一握 童便一盃 酒半盃

煎數沸調檳榔末二錢食後服

木瓜散 大腹皮一枚 紫蘇一錢 木瓜一錢 木香五分 甘草一錢

羌活五分 水一盞半盞煎通口服

治脚氣冲心悶亂不識人方

茱萸木瓜湯 吳茱萸半兩 木瓜一兩 檳榔二兩 生姜五片 水煎服

治風虛脚痛痺攣不能行方

烏麻酒 烏麻五升微炒搗酒漬一宿隨量飲之

誤服龍胆瀉肝湯致脚筋攣急治愈 名醫會員 謝少昂

顏飛熊讀書人也。體素薄弱。偶因小便不利。時醫以龍胆瀉汗湯與之。次日脚攣急。寸步難移。因服舒經活血之方。終無一効。就診於余。即擬檢前服方藥。始悉龍胆瀉肝湯一方。去當歸。以致如此。余曰。古人立方。原有深意。非鹵莽滅烈者比。該方雖非經方。在時方中亦錚錚有名者。立方之意。以瀉胆之中。監以當歸一味。滋血養筋。故用之無弊。今肆行撻伐。攻剋無過。以致血不榮筋。肝主筋而藏血。服後脚筋攣急也。固宜乃擬當歸四逆湯與之。一服而疾痛若失。古人用藥。君臣佐使。因證制宜。實有化學作用之理。夫如此則中醫之藥劑學。固然有科學方式也明矣。

### 咯血治愈

名醫 陳蓮峯

某君患咯血。據脈左關弦象顯著。右寸洪大而尺無力。面際微青。隱隱有焦黑之色。胸悶塞。中脘鬱結。故有時呼吸喘促。精神怔忡。且脇痛澈腰。肝火迫腎。小便赤而見濁。糞質兼黑。舌苔黃垢。晨起口苦燥臭。手足疲頓無力。審係肝經鬱火迫血。

上干之証。蓋水陰之藏。不能培木以養肝。相火一動。遂致血隨火而上升於肺。血色如太陽之紅。是腎血也。此証原因房勞。過耗真藏之水。更以拂鬱不舒。憤怒傷肝。致相火內動。靈犀外洩。夫血熱則行。冷則凝。見黑則止。理之必然。故止血之藥。而必用炒黑。乃水制火之義也。炭為火中之火。物極必反之道。同性相求。取其相制之意。故血証以黑止之。以蜜潤之。以酒行之。以薑發之。以鹽導之。以童便降之。治標治本。因經權衡。此治藥之大法也。病者云。初服生地炭黑芍黑藕蜜枇杷蜜。桔梗生甘草等。為溫潤飲血之劑。是急則治標之意。雖可取效於一時。終不能揭潮湧之怒火。使陰陽調變。而揆於衛生之道。爰擬加減六味地黃湯。滋陰益水。以鹽走腎。以苦洩火。取其補陰抑陽。夫如是氣降而血自歸經。根本之蒂已固。陰秘陽平。相火不播。血自無外越之患矣。尤宜清心寡慾。戒除嗜好。

附方

熟地三錢

當歸二錢

黃連錢半

懷山藥二錢

茯苓二錢

丹皮一錢

鹽澤瀉錢半 棗肉二錢 清水一盃八煎九分

### 婦女脾虛胃逆證治驗

會員 張汝濟

陳氏婦自迷病狀。肢體倦怠。精神短少。不思飲食。胸膈窒塞。乾嘔心煩。已月餘矣。經某醫以四物湯投之。病轉增劇。經水五旬餘不至。而並不覺脹痛。及診其脈。均遲而無力。惟右寸較大。並不見滑。自疑有孕。余曰。婦人有孕。雖亦肢體倦怠。飲食不思。然其脈象。應見平和。不宜沉弱。金鑑云。身雖有病。脈平和。是也。要之。診斷婦人有孕。總以人病脈不病。及經水素日調和為斷。此脾胃病也。而以治肝之四物湯投之。無怪乎增劇。胃主納食。又主降濁。脾主健運。又主四肢。肢體倦怠。飲食不思者。脾氣虛弱也。胸膈窒塞。食而不下者。胃氣上逆也。心煩乾嘔者。胃氣上逆。並迫相火亦上逆也。經水多日不見。並不作脹痛者。脾胃不得水穀之養。無以化生經水也。為擬以降逆健中湯。服一劑。病愈強半。又服一劑。諸症悉愈。方用

清半夏 二錢

代赭石八錢  
搗細

於潛白朮 二錢

潞黨 二錢

炙草 錢



第二十九期 醫道門

七十六

乾薑 一錢 黃芩 一錢 梔子 五分

生薑三片伏龍肝 一茶盃 澄清水煎藥空腹溫服

(方劑類)

莫枚士研經言古方用法書後

名譽理事 張山雷


壽頤案方有主藥。有是主而後成是方。莫氏所稱理中桃花等湯是也。然古聖經方。又有同是主藥而輔佐不同。或分量輕重不同。則其方之效用。即因之以大別者。如大小青龍二方。同以麻黃為主。然一乃麻黃獨重。而佐之以石膏。則為煩躁無汗大發汗劑。而名之以大青龍。一乃麻黃較輕。而佐之以薑夏辛味。則為肺家寒飲之開肺滌飲劑。而名之以小青龍。凡類是者。又不得僅用一二味主藥。而即可自附於古方者也。又如桂枝湯方。與小建中湯。藥味無別。但倍加芍藥。佐以膠飴。而調和榮衛之表藥。一變而為建立中氣之主方。此其同中之異。固不僅在乎桂枝芍藥之並行。更可知矣。六朝以後。成方乃繁。今可見者。即如千金外台兩家

所集已覺重疊複累。十而八九。唐宋以降。方名愈夥。乃至恒河沙數。然若求其能自樹立卓然可以獨成一方者。則千百之一二而已。生今之世。欲師古法。固不患無成方之可用。特所慮援用之方。仍是古方之附庸。則數典忘祖。適足以令通人齒冷耳。推而言之。不獨師法古人。不可不知君臣佐使之相配。卽治尋常之病。選用數味。亦不可隨手寫來。而無主宰之藥物。如果籠統無紀。卽其方亦必無用。猶憶二十年前。壽頤治南翔人封治平。初冬勞力受寒。猝患足痛。不可屈伸。病已經旬。服藥無應。甚至全身不能轉側。頤定方以桂枝附子爲主。餘則獨活寄生等。普通之和血宣絡而已。方固平平無奇。人盡能之。而定方之後。始見前者所服之方。亦是獨活寄生當歸川斷靈仙紅花等十一味。而頤方中竟同用其十。惟加桂枝附子而已。乃服是方三劑而患已全瘳。始悟前醫之無效者。祇以方中無主藥耳。譬如治兵。軍中無主。則譁變堪虞。又安望其師出有功也耶。

### 莫枚士研經言玉屏風散方義解書後 前人

## 醫 學 雜 誌

壽頤按玉屏風散一方。說者皆以爲止汗普通之劑。名曰屏風者。亦止謂得此藥以屏蔽肌腠。則外風自無從而入。然以方中藥物言之。芪專走表。方書每謂善於固表。用之止汗。人所知也。顧防風則爲發表祛風之猛將。今欲固護肌表。而反採用發表之藥。豈非自盾自矛。說不過去。所以向之爲是。方作解者。無不模模糊糊。勉強敷衍。卒莫能說明其究竟。今枚士即以方下主治二語。斷定爲風留肌表。因而自汗之病。惟其表有風邪。故以防風祛之。原非表虛自汗者。所可混同主治。并以黃芪亦爲治風。非作補虛之計。引證切寔。推勘明確。斷推製是方者之第一知己。然則此散之所。以止汗者。在朮。而不在芪。彰彰明矣。雖似翻陳出新。却能鞭辟入裏。見解獨超。最是上乘。○枚士自注。耆字訓致。見於周頌。耆定爾功。毛傳耆致也。又左氏宣十二年傳耆昧也。注亦曰耆致也。致討於昧。非本於皇矣詩之傳箋。此杖士蓋記得毛詩傳中有此訓詁。而誤以皇矣篇當之耳。○陳修園時方歌。謂玉屏風散主諸風。止汗先求繫繫通。發在芪。防收在朮。云云。與枚士此說相得。



原件短缺

P 79—80

不易認者。特揭出脈浮發熱肌邪未解之狀。以為表裏兩解之劑仲景文法。豈可混讀哉。

### 簡妙單方六則

名譽會員 沈仲圭

治女子帶下屬濕盛者

松石豬肚丸每早淡豆腐漿送服三錢

治勞傷失血痿軟

十大功勞去刺紅棗二三斤熬膏蜜收 〔十大功勞一名貓兒刺正名枸骨

吾杭藥肆備售〕

治赤痢

白樺花五六朵置瓦上灸研白砂糖湯調服 〔陸定圃在杭州學者時庭植此

花濟人甚衆〕

治月中起星

第二十九期 雜錄門

第二十九期 雜錄門

八十二

白蒺藜三錢水煎洗日日四五次  
〔陸定圃曰余二次目中起星皆用此獲效〕  
〔惟宜初起卽洗〕

齒痛神方

青魚膽 風乾 生明礬二味研末擦之立止又可治喉風以上二味加入指甲末燈心灰吹之最妙

雪羹 凡肝經熱厥少腹攻衝作痛用以洩熱止痛捷如影響

海蛇 一兩 大地栗 四個 水二鐘煎八分

〔王孟英曰海蛇妙藥也宣氣化痰消痰行食而不傷正氣故哮喘胸痞腹痛  
蠱瘕脹滿便閉滯下等病皆可量用〕

## 醫 案 門

## 應用科學之治療病案

理 學 趙 意 空

陶華字尙文號節庵餘杭人治病有奇效一人偶病因食羊肉涉水結於胸中其門人請曰此病下之不能吐之不出當用何法陶曰宜食砒一錢門人未之信也乃以他藥試之不效卒依華言一服而吐遂愈門人問之曰砒性殺人何能治病陶曰羊血大解砒毒羊肉得砒而吐而砒得羊肉則不能殺人是以其可愈考物性分兩大類一酸類一鹼類酸鹼合化則成爲中性故砒霜之毒不致殺人羊肉之積可以消去人詆我國之醫不知化學作用此但可詆俗醫不可並古人而概詆之古人於物類相感之書未嘗不及身研幾如淮南子抱朴子等篇則卽我國化學之先導也

## 報告門

### 研究遼縣發生喉疫症之治療

本年一月十二日接省公署緘開據遼縣電稱該縣北鄉一帶發生喉疫。殷家村等村五六歲小兒因喉疫身死者已十七八口。其病初發頭痛。喉兩邊腫。紅紫色。胸膈氣短。乍寒乍熱。舌苔紅白或黃。飲食難下。延四五日即斃。成丁者染此尙不甚劇。各情囑會研究治法。查遼縣大兵之後。死屍徧地。穢氣薰蒸。兼以冬令無雪。天時亢燥。疫癘之氣傳染劇烈。小兒純陽之體。尤易感受。此種疫毒。從口鼻吸入。首先犯肺。肺主皮毛。亦主咽喉。邪毒壅遏上焦。上攻頭面。故頭痛。邪氣不能外達。鬱結中焦。故胸滿不食。惡寒發熱。假令毒氣化爲痧疹。從皮毛而出。則爲順症。爲易治。若發於咽喉。其症最急最險。俗所謂爛喉痧是也。治法宜逐穢敗毒。活血透痧。開胸去痰。若喉已腫閉。飲食難入。尤宜刺去毒血。兼吹導痰之藥。使毒痰吐出。



始可望生。慎毋早用辛溫發散升提之劑。至世傳養陰清肺湯。一派涼遏之藥。亦不可服。服之則毒邪內陷。不可救治。

服方

連翹 三錢 炒僵蠶 二錢 金銀花 三錢 南薄荷 二錢 大青葉 二錢 板藍根 三錢 炒牛  
蒡 二錢 大瓜萎 四錢 桃仁 錢半 紅花 錢半 浙貝母 二錢 玉樞丹 三分 沖白蘿蔔一個 連  
鮮蘆根 一把 水煎溫服。胸膈開。痧點現。則喉痛當減矣。若大便不通。酌加大黃元  
明粉。若痧點隱隱不透。用芫荽三春柳煎水遍身擦洗。 只宜洗不宜服

吹喉散方

人指甲 一子 燒存性 上冰片 五分 老雄黃 二錢 牙硝 二錢 提淨 枯礬 二錢 青鹽 錢半 薄荷霜  
一錢 壁錢 二十個 西牛黃 三分 青黛 六分 共研極細末。頻頻吹於喉內。若壁錢急  
切難於尋覓。即不必用。若痰涎壅塞不通。勢甚危急者。加甘遂末 五分 吹之。  
初起用經霜白蘿蔔 一個 切碎 薄荷葉 二錢 煎水頻飲。並服玉樞丹。 新汲水 研兌服

第二十九期 通訊門

## 通訊門

八十六

## 王一仁君囑登雜誌原緘

續廿八期

爲中醫應列學校系統反詰余君雲岫

神農本草。黃帝內經。歷年既多。原難證實出於誰何之手筆。但就著述而論。說理可採者甚多。安可一例抹煞。陰陽五行之說。雖云空洞。但中醫之有識者。早以陰陽五行爲假借形容之字。而不列于學說之林矣。六氣爲天時之運行。令人致病者實繁。十二經絡之現症。確有可徵之理。蓋由前賢經驗考證而得。後人按尋而不爽者。又豈解剖陳死人可得而見。夫一學術之進化。本非朝夕之事。必經若干之遞嬗。幾許之實驗。然後漸入佳境。中醫之言。雖皆祖述神農黃帝。然自秦越人扁鵲漢華陀倉公張仲景。下逮宋唐千金外臺金元四大家。明清王肯堂李時珍葉天士諸家。其所演繹者何限。於本草藥物則增補之。於診病療治則因時變化。

何嘗專以黃帝內經爲本耶。學者善取其長。神明而用已往之經驗。施之有效。卽爲實驗。雖無科學分析。此實時代使然。夫如是。則中醫之佳點正多。豈必效法歐西。而後謂之文明。而中華之國。竟舉無一顧之值乎。

余氏又引俞曲園廢醫之說。以爲中醫不能治病。愈者皆不藥可愈。而不愈者雖藥無功也。夫病之愈與不愈。本有其已然之勢。必不愈之症。而愈之。中醫固無此技。西醫亦何能爾。藥之不效。繼以解剖。如此死者。不一而足。然則西醫又何能生死人而肉白骨耶。醫者之功能。亦僅于不死之病。而使之速愈而已。俞氏之言。原本閱見而來。豈專爲中醫而設。今日醫既不能起必死之症。則中醫固當廢。而西醫何嘗不可廢耶。余氏又舉力學。光學。聲學。動學。化學。生理學等說。以見科學分析之精。東西洋無二致。此語誠然。亦知力之于握。眼之于見。耳之于聽。與夫動作言笑之所以然。豈僅局部之故。抑另有主之者在耶。且舉西藥治國人病者爲證。夫中國藥材。每年出口者若干。而西人之就中醫治者。豈便無效。此爲細事。更何

值引駁。惟以西人尚肉食爲多。國人以菜類爲常。西藥多金石而性慄悍。中藥多草木而性柔和。異地用之。安能免弊。謂爲造作蜚語。故爲中傷。又豈其然。內經論治病之法。量天時。測地利。東南西北。氣候異宜。風物各殊。治法即不能一例。東西兩洋人情風土之殊異者。爲病必有差池。余氏亦能謂人之患病。純由其內身臟腑之變化。而謂與天時地利服食起居。絕無關涉耶。

西醫得科學之助。以有今日。而中醫在無科學時期。已歷著治療之功能。苟加以整理之力。而漸臻于實際。則學術之演進。與西學溝通。原非難事。無如水火參商。各持其自是之見。故終於不能合也。惟其如是。則中醫應列學校系統。力圖振奮。尤不可緩已。一學術之興滅。劣者敗而優者勝。雖逃于天演之公例。以中醫舊有之術。經數千年之嬗蛻。以至今日。既非如星卜之神秘。確有理論實驗可尋。乃不加以整集而改進之。于外言爲不智。內反謬心。得毋太忍。

抑吾尤有言者。中醫既因歷史之習用。得社會之信任。在國家有倡導昌明之必

要。無論西醫治療。是否已臻完善之域。可爲中土病者之保障。而內按國情工商諸業。皆至幼稚。藥廠既非小規模。短時間所可辦。而關稅又爲列強所劫持。漏卮之說。原非過慮。不求于已。而仰給于人。恐吾民之貧病交迫。而國力亦日蹙矣。

周小農君駁議二次部規不列世醫師傳及將來警廳試醫繳照閉業手續。章行嚴君有云。不有舊。決不可新。不近新之弊。止於不進化。不善保舊之弊。則幾於自殺。

漢醫承命之原因。本在承認官照。束縛於條例之內。不能發展。馴至執照收回。挽救莫及。

漢醫已矣。即有一二日人景仰前猷。咨嗟悔恨。徒以廢止已久。不得再習。

考內部規則。醫師醫士形式顯示兩歧。自由盡爲束縛。影響之鉅。尤覺不能膜視。中醫流傳四千餘年。所以久而不致失傳。爲有家傳師傅耳。二次規則。最爲全國醫林致命傷者。卽是否認世醫師傳。禁醫不傳。雖未明令。兩頒部規。均不列入。卽

不准許之微意。何異根本推翻。廢止家傳師傅耶。

復次。警廳試醫。亦防大弊。原來民國八年五月。內務部咨開。准教育部咨開案查。上年十月。本部召集全國專門以上各學校。開校長會議。〔中略〕有凡警察署衛生科人員。以醫學專校畢業生充之。如各縣署增設衛生科。錄用醫學專校畢業生等語。係爲用其所學起見。相應咨請查照等因。合行通令仰一體遵照。〔瀋陽〕市政廳考醫。最爲嚴厲。先明令取消以前警廳已給之執照。由衛生科東西醫人員口試。用其所學。以試中醫之能答與否爲品衡。瀋陽明知留難。不發執照。輟業數月。後爲總商會長斡旋。張督特准無照營業。此繳照停業之實事。

試問警廳縣署衛生科。俱用西醫。徵以上海余雲岫抨擊中醫學理。此輩當權。安知其不排除異己耶。

全國中醫應有自決之能力。先明他人謀我目的之險難。及其結果。加以審慎之考慮。

舍是宜各省醫會自行檢定。以免授警察以擾亂之權。繳照之弊。「開業以執照爲憑。閉業繳照。完全警署大權。壬戌內部令知警廳實施手續。可見一斑。」

### 葉勁秋君致本會檄

醫 學 雜 誌

讀提議書。仰見先生等識見宏大。不事瑣瑣。從最急要處著眼。提綱挈領。要言不煩。謀深慮遠。曷勝欽遲。尙祈迅速進行。俾早實現。尤爲欣幸。竊念中醫之衰落。並非學術本身問題。不過在行道者。不肯于學術上加功。祇求道之得行。計之得售。欲行其道者。不得不顧慮環境。我人處此無知識的社會之下。在勢又不得不逢迎人意。進其所好。于是病家悅服。雖死無怨言。不爾。既不足以糊口噉飯。又爲一般人士所齒冷。故醫者之喪德。實病家環境迫之使成也。普通醫生。一到懸牌治病之期。卽爲宣告學術止境之日。于此時期。則又不得不另闢新途徑。專事交際酬酢。每治一病。輒輕浮不切病情。以爲邀功卸過之地步。遇富貴家。在勢又不得不用珍貴藥品。否則卽給人以不滿。痰嗽者川貝珠黃。熱甚者犀角羚羊。最可笑

## 醫 學 雜 誌

者。病家服此等藥而無效者。則曰天之命也。不服此等藥而喪命者。則曰冤死。故處此舊勢力之下。而欲挽救頹風。整理舊學。頗非易事也。西醫之勃興。亦非西醫學術之優勝。足以壓倒中醫。蓋別有故也。服藥之簡便。一也。醫院之美辦。二也。創傷治法之特長。三也。注射法之補我所無。四也。此外之大原因。乃我國維新以來。盡量容納西洋學說。不特醫學一項。凡一舉一動。往往摹仿西人。一若西人所有者。皆無美不臻。不辨是非。一味盲從。即如我國拳技。亦爲固有之特長。不特禦敵。又可強身。鍊形鍊氣。與醫學有密切關係。誠如

先生等所言。然而

先前學堂中。祇有西洋派的體操。未聞有中華的拳技。音樂亦然。祇有獨來米勿的風琴。未聞有五音六律的今樂。現則不然。學校中早有拳技科的增加。滬上各處早有國技國樂等會社成立矣。以西洋式的。終不及中華式的有味而見功。拳技其最顯者也。鄙意音樂一科。亦可加入醫校中。既可暢適性情。又可解人沉悶。於醫學上不無關係。况亦爲中華國粹之一也。中醫之弊。在理想學說過分發達。



往往與事實相違背。近頃偶閱某書。得悉蟬之生命。僅二十餘日。而深伏於地下。則有二年之人。我人所用之蟬衣。系初離地後。尙未能飛鳴而蛻下者。離地後惟吸樹脂。以維持其生命。而在解釋藥用者。莫不曰飲風吸露。其氣清虛。故主療皆一切風熱症。以其善鳴。故謂其功能開肺開音。言之成理。無不動聽。然事實與理想。則完全相反。中醫之大錯處。在是。爲人所詬病處。亦在是。在現在研究新中醫者。當力闢此點。西醫之短。在故事推求。而少取巧之法。但內地的真西醫。什不得一。大概爲未畢業之看護生爲多。夫看護生本無看病之資格。而况未畢業者乎。病家又不知真西醫之技能爲何。若遂以未畢業看護生冒充的西醫。概以代表真西醫。此真西醫之價值。於是因之而表。人之吐罵真西醫者。亦有故也。或有就診于西醫者。其因如下。(一)貪名目上之便宜。比如只取號金數枚銅元。中醫則起碼數角。然而西醫非真便宜也。其于藥品上。常數倍其值。病家不知也。(二)手續上之簡便。此誠中醫之大缺點。(三)以存姑試之心。因中醫治之而無效者。其

餘則爲假時髦的盲從者。我故曰人之就診于西醫。非真信之堅也。故改進中醫第一步的計劃。即爲廣設中醫院。其利如下。(一)治療專一。可免用疲藥寒責之弊。(二)同院醫生。便于商酌討論。不致有攻訐推諉。爭功卸過之弊。(三)與西醫比較。以占優劣的實在。中醫之大病。又在孤獨而不肯合作。故紹興何廉臣先生曰。劣則劣在獨。而因優。則優在羣。而創學以獨。而塞塞。故愚學以羣。而通。通則變。又曰。尙理想者。涉于虛。拘形質者。失之鑿。又曰。舉中醫所固有者。而闡明之。尤必舉中醫所本無者。而補益之。載籍中有不磨之確論。務使意明理達。炳若日星。東西醫有新得之真詮。不妨兼蓄並搜。藉資攷鏡。無因陋就簡之思。有探隱索微之識。至理名言。所見獨到。我中醫界而果能取人之長。補我之短。暴我之劣。顯我之優。則中醫其庶幾矣。以上種種。盡是一隅之見。不過憑最短淺之目光而言之也。容有未盡當處。尙祈先生等見宥云云。

### 奚子和君敬告醫界芻言

世事不經討論則真理不明。不結團體則進步不速。我華醫學。肇自黃農。迄今數千年於茲矣。而今日醫學。益形腐敗。蒙嘗推其腐敗之源。實由各分門戶。各存私見。無共同實習之觀念所致。一有學識經驗。往往守秘不宣。甚至同視一症。同療一病。對於經過診斷醫家。輒極言詆譏。相傾相軋。不為他人稍留餘地。此種惡習。實深痛恨。誠為我華醫界前途之障礙。辛亥以來。政體共和。百事維新。凡具醫生資格。欲習醫業者。當本仁心仁術。稍具道德。有奇共賞。有疑共析。勿被病家窺破。夫人生最苦之境。莫如疾病。能出人水火而登之衽席。全賴醫界。近世東西各國。醫學之發達。如萬馬之騰驤。如百川之匯萃。磅礴浩瀚。駸駸乎隨大西洋之潮流。渡黃海岸。注入亞東大陸。我華醫士。已受無形之損失。幾至淘汰。如欲恢復原狀。仍為有價值之中醫。非順世界潮流。節取西醫之所長。補中醫之所短。諒不能保存國粹。以達優美目的。幸有志士。慨中醫學術之不振。西醫方法之盛行。渙汗大號。聯合醫士。組織團體。研究學理。發刊醫報。闡明新穎理想。諒不如前之故步自封。不求進步。甘列淘汰也。願吾同道。群起而研究之。

## 譯叢門

## 梅毒治療之考察

續二十八期

楊永超譯

由是言之。水銀之有效作用。可用以下之道理解釋之。即借其入體內之刺激。及於一定之組織細胞。此細胞在生理或化學之意義上。起一種狀態的變化。抑或在細胞中。起一種蛋白質改造之機轉。當斯時。借體內之活潑變性。引出自衛之能力。是或一道也。應加入此範圍研究者。為水銀有操縱脂肪交換之可能性。

三 氏曾以山羊證明之。患梅毒者之脂肪增加。已為吾人所公認。使以脂肪材料注射於  $\Delta$  三 負反應之山羊體內。可即刻變為正反應。若再以水銀治療之。可仍見負反應。由此可悟借水銀之作用。細胞中之脂肪交換即起變性。借脂肪之變性。梅毒之生活及其進化之條件。即起障礙也。總之。水銀對於梅毒之作用為間接的。此種理論。雖無的確之證明。但借 Rovaditi 及 Necolan. II

誌

雜

學

醫

氏對於鈹劑之考查。大可補助是說之不謬。二氏曾以鈹劑加入於雞之梅毒而培養之。並無害於菌之生活。更以粥狀之有機物。加於前之試驗管中。則不日即死亡。更有較明瞭之試驗。吾人使鈹液及粥狀物質二種之混合液。彼此交換作用後。而再濾分之。則鈹鹽可完全透出濾器。其所餘之粥狀物質。在化學上並不能試其有鈹質存在。斯時以梅毒加入於已濾出之鈹液中。其生活自若也。反之。粥狀有機物中之殺菌作用。却甚明瞭。此可知非鈹劑具有殺菌之作用也。乃有機成分因鈹液入體之作用。起一定的變化。而發生一種能力。梅毒之不適於生存。蓋由於此。將以上所有之解釋。亦可適用於六〇六及其他之驅梅毒劑。如 *linons*, *Silber*, *Vanadium* 等。自其結果上觀之。似具有一種混合作用。其特別作用含於化學的成分內。而非特別作用。具於組織中之材料也。又據 *Levaditi* 及 *Nicolan* 之試驗。吾人可得一印像。即固有之治療材料。有似乎從體內生成。而體內之所以能增加此種材料。由於化學物質之作

用。在此理想中 Felke 及 Lawenfeld 二氏亦曾證明六〇六之作用。謂體胞確因受此藥之刺激作用而起變動。梅毒之生活障礙。乃因此種間接之傷害而起。故吾人對於砒水銀銻三種製劑。可認為完全相似之一種功能。但作用之強弱有分耳。三者之中。缺一不可。且更無他藥能出其右者。若然。現今銻劑之加入治療。固宜深幸。可用之材料愈多。則驅除梅毒之方法愈富。即治療梅毒之進步愈有厚望焉。若更進而討論梅毒痊癒之問題。當以早期的為最易。更應注意者。為治療之時間。施治愈早者。其預候愈良。在第一禮拜以內之患者。六〇六之功效遠過於他劑。二期者推重水銀及銻劑。三期時碘劑有充分之作用。其價值不亞於六〇六。如受傳染已隔數月或經年而始施治者。當慎重規定其預候。有時用六〇六與水銀。或六〇六與銻劑合用。可得完全之治癒。但須嚴密的檢查其血清及髓液。亦有經充分之治療而不愈者。其中以中樞神經發現梅毒者為最甚。又據 Dreyfus 之學說。知早期梅毒在腦髓液起重大之病理

變動成爲腦膜梅毒病者。有 80%。但此種變動。多半在短少時間。即行消滅。至後期時只餘 10%。此等病人之預候最不良。因其每成爲腦梅毒症或脊髓梅毒症。並在治療上無法措手也。〔未完〕

# 雜俎門

## 印度醫聖耆域傳

耆域者，印度之羅耶梨國人。母名奈女。奈女生於奈樹。年十五嫁七國之國王。生耆域。耆域生而右手握針，左手持藥囊。奈女以爲不祥，包以白衣而棄之。王子名無畏者，入宮早朝，見而抱歸，雇乳母育之。尋爲梵志，居士乞得，仍以還諸奈女。遂名之曰耆域。幼而歧嶷，然每與鄰里兒童游，輒譁然曰：「此無父之子也。」耆域心異之。歸而詢諸母，母曰：「汝實有父，萍沙王也。」王之國在距此五百里許。且出王囊，日所留金環示之。耆域即懷金環，走訪萍沙王。既見，立爲太子。後二年，嫡子生，遂降爲庶子。耆域故嗜醫，甘讓位於弟。有泰伯季札之風焉。賓迦羅者，德叉尸羅國之大醫也。耆域從之學。七年卒業。村童有負薪而過其門者，耆域遇之，則該童之臟腑經絡悉呈目前，頗自驚疑。忽憶本草經有藥王樹，以之當人身外，立能洞見癥



結童所負薪。必此樹也。亟邀而市之。耆域自得藥王樹。醫術乃愈進。婆伽陀城一富室妻。患頭痛十二年。歷治無效。耆域治之。竟霍然愈。病家感戴靡已。立贈黃金四十三兩。媵以奴婢車馬。耆域悉奉諸無畏王子。報昔日養育之德。又拘朥彌國某長者之子。得腸結症。不食而死。舉喪之日。沿途奏樂。洋洋盈耳。耆域適遇諸途。聞樂聲。已得其死之故。乃排衆入。語長者曰。某能生之。幸啓視。既陳尸於途。耆域一手握藥王樹。察視其腸。一手執利刃。剖開其腹。將腸復其原位。繼綴其皮。塗以藥。少選創合。死者果躍然起。長者喜出望外。與金百六十萬兩酬之。耆域悉奉諸其師賓迦羅。答七年教誨之功。又某氏女年十五。忽患猛烈之頭痛而死。耆域聞其事。造廬謁其父。父一一告之。適尙未棺斂。耆域以藥王樹。透視其頭。則見頭蓋中有細蟲無數。爭嘬其腦。遂開其頭蓋骨。盡出其蟲。封諸甕中。又出三種膏藥塗敷創口。又諄囑其父。須靜養七日。必可復生。家人皆如命。越四日。其母情急。入視愛女。僵臥如故。泣告夫曰。耆域欺人也。夫力止之。謂彼醫聖。必不我欺。姑靜俟之。

第二十九期 雜俎門

一百〇二

至七日。女果如夢始覺。病亦爽然若失。合家乃幸喜無似。贈以金五百兩。耆城悉舉以奉母。充菽水之需。自是而後。耆城之名。洋溢諸外。方諸扁鵲。不是過也。

星期徵稿選刊

問煩躁症多見於太陽少陰何故

栗樹屏

邪之在外在內。病各不同。而太陽少陰亦各有判。然經有表裏。病有傳化。雖曰相隔。而實相連也。內經云。太陽之上寒氣主之。中見少陰。少陰之上熱氣主之。中見太陽。又云。太陽少陰從本從標。觀此。雖煩躁六經皆有。而無礙乎太少獨多也。夫煩躁者。水火不交之象也。水不濟火則煩。火不交水則躁。水火既濟則無煩躁。水火相離。煩躁生焉。是太陽膀胱水中化氣。上行外達為衛外之陽。故太陽本寒而標陽。膀胱之水所以能化氣者。實借腎中陽氣。上合於心。如天之有日。故少陰本熱而標寒。太陽之本即少陰之標。少陰之本即太陽之標。二經關係相連如此。若一旦受病。不但不能相顧。亦且相傳也。太陽底面。即是少陰。如外受風寒。則太陽之氣不能運行出入。表邪不解。以致標陽不能外達鬱於內。而為熱。寒從熱化。同

氣相求合於心熱則發煩矣。且少陰之表即是太陽。若始得病邪從表入合於太陽。必惡寒發熱待其入裡熱從寒化水火之氣頃刻離決。腎陽無賴則發躁矣。斯則太陽少陰多見煩躁者必在水火相關表裡相係中見相化也。故傷寒之煩躁多見於太陽少陰者此之謂也。

### 問伏暑肺燥治法

閻子俊

一人中氣素虛形寒飲冷過伏暑濕之火蘊於膈中劫津耗液盡從燥化肺氣不能下輸腸胃燥滿不行下之遂逼血下行血既下脫汗從外泄上厥下竭肺經獨受燥累當用何方治之

今病中氣素虛形寒飲冷者是平日中焦水穀之氣虛少不足不能養氣以榮血氣既失養安能衛外以禦邪邪乘氣虛客而侮之所以有形寒飲冷之狀也。肺氣不能固外暑濕之火因之過伏於內蘊於膈中膈中者宗氣所聚之處也。况暑濕之邪客之始於上焦膈中為邪所居肺金失其升降之權劫津耗液勢所必然。火

灼肺金。津液傷耗。當是之時。一身之津液。悉爲燥熱所化。津液傷則肺氣不能行。清肅之令。下輸於腸胃。肺既失令。燥滿之禍。復依何經以滌腸蕩胃。除燥滿之害也。蓋肺與大腸相表裏。與胃相連屬。西醫云肺有二筋管。與腸胃相通。肺受傷則腸胃亦受其害矣。病現燥滿。於法當下。下之遂逼血下行。血既下脫。亦云竭矣。下之不可。不下奈何。惟有重與滋陰之藥。以潤其燥。不下而自下矣。陰者血也。陽者氣也。血以氣爲夫。爲家。氣以血爲婦。爲室。血脫而氣因之亦去。陰不配陽。故汗從外泄。陰陽既現離絕之象。卽爲上厥之症。生氣厥於上。血出竭於下。氣不得運。血不得內守。傷寒論云。經脈內傷。是爲難治。變症多端。根源獨在肺之一經。肺治則諸病悉除。故又曰肺經獨受燥累。當辛涼甘寒之法。清燥救肺湯。增液湯。玉女煎。去牛膝熟地。加細生地元參。善後則用灸甘草湯。小建中湯也。清燥救肺湯方加減主之。元參知母人參杏仁麥冬阿膠胡麻仁炒石膏細生地霜桑葉枇杷葉分兩臨症酌。

### 針灸討論會治法選刊

問刺期門穴能治肝乘肺乘脾之縱橫症而熱入血室何以刺之亦有特效

陶復泰

仲景之作傷寒也。既曰刺期門。治肝乘肺乘脾之縱橫症。何又曰婦人中風熱入血室。當刺期門。隨其實而瀉之。此誠莫之知而愈者神也。蓋脾病且見肝脈者。木行乘土也。經謂之曰縱。言縱勞而往。無所顧慮也。肺病兼見肝症者。木行乘金也。經謂之曰橫。言橫肆妄行無所忌憚也。推其縱橫之由皆肝氣之盛使然也。是以刺期門。制其縱亦可平其橫。夫期門者。肝藏之募也。縱橫之症。皆係肝經。刺期門而愈者。理有固然。以其部位毗連也。血室居於小腹之際。與期門之穴相距甚遠。何刺之亦有特效也。是不知肝經之脈。起於大敦。終於期門。其間有循股陰入毛中。過陰器。抵小腹。挾胃屬肝絡膽之說。雖未明言血室。則肝經之脈。循股陰。過

陰器。抵小腹。與血室能無關係乎。或謂血室者。上連兩肋之板油。與肝經有相通之絡。肝氣盛則移熱於血室。熱與血搏。神昏不清。故譫語也。不特乎此。且衝任厥陰之脈。皆起於血室。而血室即下焦之油膜中一大夾室也。肝脈既起於血室。則血臟於肝。血室之熱。得非肝經移之乎。熱既由於肝移。則刺期門穴。正所以瀉血室之熱也。此仲景之所以刺期門。以代小柴胡之不及。豈非有道以來。有道以去之意乎。

問鍼灸之注痛方法不一。有進鍼時之注痛法。有行鍼時之注痛法。有退鍼後之注痛法。能舉其法歟。 劉 恕

却病之功。莫捷於鍼灸。故靈素諸書。首先詳之。然市醫行鍼。往往使病者大覺痛苦。故病者非不得已。未肯求醫鍼刺。甚至有病雖危急。而終不敢應鍼者。畏痛故也。夫刺而大痛。不成爲鍼家。刺而微痛。亦不稱爲高妙。能知致痛之因。即知注痛之法。注痛之方法不一。有未進鍼時之注痛法。有進鍼時之注痛法。有進鍼後之

注痛法。有退鍼時之注痛法。進未鍼時之注痛法。即取穴既定。用大指頭或食指頭切定是穴。指頭向內或向外推移。如行鍼之補瀉法。一起一落。一緊一鬆。頻頻推陷。使氣由外達內。或山內致外。並將此經所屬之上下穴。照法皆畧爲推按。以和其氣。謂之指鍼法。指鍼既畢。再用大指或食指切定其穴。搖而下之。四面推開。謂之切法。行此諸法。務使氣血開散。不至滯鍼是也。進鍼時之注痛法。則準照進鍼姿勢。以左手手中指食指緊按穴邊。右手持鍼。一左一右。用平補平瀉法。徐徐搓入。靜聽病者呼吸。以爲輕重緩急之用是也。進鍼後之注痛法。則循按所鍼經絡之上下左右。遵脈道之行。而補瀉迎隨之。不住推切。使氣血流通。邪氣不至纏裹針頭是也。進退鍼時之注痛法。則仍用平補平瀉法。徐徐提起搓出是也。手鍼後之手數頗多。病者疼痛。瀉針甚於補鍼。邪盛故也。然痛雖甚。醫者不能因其言痛。驟行出鍼。故於病人言痛時。醫者必細加審查。善爲救濟。審係手法快而痛。則略爲較緩。審係手法重而痛。則略爲較輕。以指切其穴邊四旁。令邪氣稍爲退開。一

誌

雜

學

醫



法也。病者言痛。令其吸氣一口。再爲轉鍼。二法也。先慢而輕施。使邪氣稍減。再快而重施。三法也。緊甚。得鍼不行者。於所鍼是經下邊各穴。再進一鍼。先爲行瀉氣。稍退。而再行原鍼。四法也。如遇痛之太甚。偏旌諸法不減者。必另有他故。宜改曰再鍼。凡此皆注痛之妙法。醫者果能得於心。而應於手。則行鍼時。多得病人之歡心。歧黃之絕學。可昌明之。不亦善乎。

### 編輯處啓事

啓者古今醫案充棟汗牛竊謂案者法也老吏斷獄鐵案如山熟於法耳若平平無奇或以病試藥偶然倖中者似未可以案稱本雜誌醫案門多選古人精粹良法畧別種類分期登載現仍資料無多凡我同人熟於前輩醫案醫界舊聞名醫歷史筆記瑣錄之類望祈隨時抄示俾便分登一俟哀集較多彙刊成帙定當奉酬若干册以副雅贖不勝企盼之至

楊百城謹啓  
趙意空

### \*楊如侯先生靈素生理新論出版廣告 是書原擬刷印

一千部嗣以不敷銷售特再加印五百部以公同好兼爲振興國學溝通中西起見將本書原價定爲實碼八折每部售洋三元二角其躉購十部者另贈一部遠道並免去郵費以期普及郵票代洋九五折算書存無多購請從速

代售處山西省城

中醫改進研究會  
橋頭街航慈醫院

## 中醫雜誌

上海中醫學會出版

(一) (內容) 分專著學說醫案筆記藥物學驗方釋辯錄會務紀載等十餘欄皆屬近代名賢精心結撰之作已出至十七期

(二) (定價) 每冊大洋二角五分購滿六冊者減售一元四角

(三) (郵費) 國內每冊三分國外八分多則照加掛號另加五分

(四) (函購) 郵局不能兌匯之處可以郵票代現惟須照九五折計算

(五) (彙選) 第一至四期均已售罄特刊彙選發行上下二冊實價一元二角郵費八分

(六) (附誌) 第五期已售盡本會員通信處詳載紀念冊以便互通消息每冊售洋五分

總發行所 上海西門內石皮弄中醫學會雜誌社發行部

張壽甫先生四期表中參西錄每部定價一元郵費五分滄

州立達醫院發售

第二十九期 廣告門



### 三三醫報發行廣告

每旬一册 十二年七月三日第一期出版

編輯者 紹興裘吉生  
 發行者 三三醫報社  
 印刷者 武林印書館  
 寄售處 各省大書坊

#### 定價表費須先惠

冊數	冊全年三十三冊
定價	角三元
郵費	本國 五厘 日本 五厘 外國 二角六分

第二十九期 廣告

### 中風斟詮發行廣告

全部三卷

定價 官堆紙每部 壹元伍角  
 重太紙每部 壹元 實洋

著者 嘉定山雷張壽頤  
 總發行者 蘭谿中醫學校  
 印刷者 蘭谿福華石印所

二廿六三

第二十九期 庚午門

一百十四

## 江蘇全省中醫聯合會

〔出版月刊增刊〕

月刊分常評言論專件專著筆記研究雜錄消息編輯課本等類以發揚國粹聯絡感情爲宗旨增刊分學說醫案筆記表解選方醫籍考驗方等類每期限一病以專研究合裝一册已出四十三期定價每期五分郵費一分全年連郵六角六分第一至二十期已售罄二十一期至四十期裝有彙編每册半元寄費五分總發行所上海西門內廣益中醫院

### 贈送醫醫醫病集

醫醫醫病集爲上海黃社出版一二兩集風行海內現因戰爭關係致第三集不克出版按所有定款通知退回今該集廢餘尙多請附郵票十分寄上海玉信

義濱醫藥圖書館黃社善後辦事處立刻奉上

## 嚴氏金匱廣義出版廣告

是書爲慈谿嚴鴻志先生所著內容精美外觀雋雅洋裝兩巨冊定價大洋壹元貳角現售照碼九折十部以上八折連郵費在內以十三年舊曆十二月爲限限滿不折不扣發行處在甯波慈谿東鄉費家市嚴氏養正學校遠地如以郵票代洋准三分以下之郵票爲合格按九五折計算書印無多購請從速

慈谿中醫學會同人公啓

## 張贊臣徵集驗方啟

敬啓者贊臣每念病家疾若纏綿砍求其速愈而不得者深爲憫惜竊之不才擬集古今驗方彙纂成冊貢獻於世俾抱病者得以按方治病可無採薪之憂也如荷熱心同志惠賜驗方須以經驗實效信而有證者無任感禱惠賜諸君請於方後一一說明如何實效如何試驗因古今以來名爲驗方而充棟汗牛其效者鮮驗者寡也凡我同志隨時抄示一俟彙集較多卽行彙刊成帙定當奉酬若干冊以副雅贖不勝企盼姓字住址務乞另紙書明以便函候教）贊臣常寓上海二馬路雲南路口安康里第二百二十七號內如荷賜教無不達到

# 東亞醫學

月刊

定價 { 每月一冊大洋二角五分  
全年十二冊大洋二元五角

郵票代用作九折算

內容 分學說及實驗, 診療寶函, 綜說  
; 臨診講話, 處方集, 技術, 篇, 最  
近文獻, 藥物療法, 釋疑, 雜纂  
調查及統計, 新書及新藥, 介紹  
; 雜報等, 內容之豐富, 請以函索  
當呈樣本。

上海東寶興路三十八號

總發行所 **東亞醫學社**

分售處 上海商務印書館及地  
方分館  
其他在中國著名書局

第二十九期 廣告門

一百十六

## 繪圖鍼灸傳真全書出版廣告

本會理事趙緝菴、孫祥麟、王郁文合著鍼灸傳真全書八卷, 援引靈樞素問之精華加以詳切, 註解曰內經刺法兩卷, 採擇古代名醫鍼法, 慎其從違曰名醫刺法兩卷, 辨經絡繪圖形, 更正



他書錯誤，以求分明清切，曰考正穴法兩卷，本歷年心得經驗之術，講真理，求實效，闡明岐黃秘訣，曰鍼灸傳真兩卷，共成八卷，各成本現已脫稿出版，凡有志針學者，請速購閱是盼。

價目

每部 八本 定價大洋二圓三角

如買廿部以上者

按九扣核算

十部以上者

按九五扣核算

繪圖鍼灸傳真價目發行表

總發行所山西代縣亨利石印局  
分發行所山西中醫改進研究會

剪子巷成文齋書局

印刷所山西代縣亨利石印局

### 常熱中醫張汝偉特設通函論診科廣告

### 問 病

(甲) 叙述現病之狀態 凡寒熱咳不咳小便大便口渴不渴有汗無汗及諸痛苦脈象苔色聲音所喜惡等

(乙) 叙述病人之狀況 凡年歲業務男女育向信何種宗教素性急緩

第二十九期 廣告門

一〇七

第二十九期廣告門

二頁十八

等速一環明以資參

(丙) 叙述經過之情形 凡始起如何曾服何藥一切變態

(丁) 通函診治之取價 紙墨掛號費大洋壹角診費大洋六角

共計七角快信答復(即隨到隨復)連郵壹元空函不復

通信常熟顏港

### 者須知

#### 無錫王旭高名書六種出版廣告

先生醫案。柳君寶詒。已選入四家醫案。尚有退思集。穎方歌註。醫方證治彙編。歌訣。增訂醫方歌訣。醫方歌括。薛氏濕熱論歌訣。西溪書屋夜話錄。治肝秘訣。六種。於傷寒濕溫雜證肝病。闡解詳明。思路新穎。凡在醫林。尤堪研究。醫校學生。尤便誦習。茲由吳縣陸晉笙君重訂。小無錫周農君精校。交上海千頃堂石印。每部六角。八折掛號郵費一角。各省大書坊均有寄售。

分售處無錫西門外棉花卷周小農醫室

#### 介紹學道新書金丹真傳

學道必須修養。修養端重。師傳奈今之道家。稍有承述。皆秘為奇貨。故作艱深。多立層次。使學者望而却步。似非大道為公之旨。茲有漱石生者。本其師傳。悟澈元

山西官民 日必日需  
海內外 處處爭購

晉民快覽  
Popular guide book of Shansi

外 志 妙 掃 除 秘 密 居 奇 之 習 將 道 家 修 養 工 夫 合 盤 托 出 著 書 一 卷 名 曰 金 丹 真 傳 有  
志 學 道 者 但 手 此 編 自 入 終 南 捷 徑 現 此 書 本 會 寄 售 每 部 實 折 八 角 郵 費 在 內

呂 聯 奎 全 啟  
楊 百 城

↓ 爲 家 庭 國 家 社 會 個 人 事 業 建 設 上 惟 一 之 參 攷 書 良 因 山 西 百 政 維 新

諸 可 借 鏡 社 萃 英 插 華 年 刊 一 編 數 年 以 來 荷 承  
海 內 外 賢 達 推 爲 山 西 之 寫 真 晉 政 之 年 鑑 社 至 爲 榮  
幸 十 五 年 的 新 出 版 了 每 冊 仍 售 四 角 寄 費 七 分 合 購 前 三  
期 祇 售 一 元 五 角 寄 費 在 內 所 費 有 限 不 啻 遊 歷 山 西 一  
週 如 承  
函 購 請 詳 開 姓 氏 地 址 送 函 本 社 李 炳 甫 君 照 寄 不 悞 郵  
票 代 現 不 扣

山西晉民快覽社謹啟  
社址省垣  
新城街

第二十九期 廣告

二十九年

上海同德醫學專門學校新同德社  
NEW DUNG-DAI ASSOCIATION  
DUNG-DAI MEDICAL COLLEGE  
MARKHAM ROAD, SHANGHAI, CHINA

第二十八期 廣告門

# 新 同 德

## 醫 藥 月 刊

Neue DUNG DAI

Medizinische Monatschrift

本誌為指導民衆衛生。介紹德國醫藥之刊物。  
內容豐富。印刷精美。定價全年十二冊。一元  
五角。郵費加一。茲將二卷一期要目列后——

「論壇」萬惡的舊式婚姻與醫學。醫生的道德論。改革我國醫學的徹底辦法。  
「學說」返老還童之說明。女性美。衛生概論。男性生殖器虛弱。結婚與肺癆。  
「醫藥」白濁何時認為痊。○。中毒概要。新醫治療之種種。梅毒△療法時之副現象及其處理法。  
「問答」問答一束。  
「常識」打破親善政策。○。廣的自述。  
「文藝」月下吟三章。雲隱恨。雜詩數首。尚有「專載」及「新聞」兩欄不備錄。

定報處 上海同德醫學專門學校新同德社

醫學透變  
性道實學

出版廣告

介紹人周小農

楊百城

趙意空

慈谿費家市張生甫君著內外兩編內編係李君手著新發明醫理外編係纂集  
前賢經驗每部八角特別優待醫林每部大洋六角六分掛號五分性道實學闡  
明性理大道每本大洋一角五分郵費加一躉購郵匯爲妥郵票以一分至三分  
油帑夾襯封固掛號寄空函不復 總發行所浙江慈谿費家市張生甫醫室

山東膠縣良心救國社全體公啓

敬啓者同人因宣傳救國事件組織良心救國社期以努力進行永久不懈凡我  
各團體各機關各界人士如有關於此類期刊或書籍等等之出版品務望每種  
賜下一份俾作南針而資進行是爲至感至盼再者敝社自進行以來深感於吾  
國人民程度太低毫無國家觀念雖以五卅之悲痛仍不關彼事漠然無動於  
中而敝社同人進行之艱難實出意料之外是以敝社現在決定一方努力宣傳  
演講愛國救國之旨一方極謀提倡鄉村社會教育之普及及敝社以爲國家之  
強盛非保全國民性及提高國民程度不可而此社之入手辦法又非由普及鄉  
村教育倡大本國及世界之學術文化不可故敝社同人不揣愚昧不避艱難決  
定創辦圖書館數處敢請以數十年爲期自全縣而全省至全國普及爲止凡本  
社社員均志願畢生從事於此以資補救今蒙敝社社員逢卓如君捐其所存中  
文書籍貳萬餘冊報章雜誌數十種價值共約六萬圓業經本社公決定爲本社  
第一圖書館即以逢氏圖書館爲名以資獎勵此後如有捐書者所捐書籍之價  
值足五萬圓之數者即另立第二圖書館而以捐書人之名或姓爲圖書館之名

第二十九期 廣告門

一百二十一

第二十九期 廣告門

一百二十二

焉至於其他登報鳴謝等一切詳細辦法另有詳則可閱茲不贅述惟敝社同人  
 心助則更爲敝社所企盼而敢代表無數受惠者表示萬分叩謝者也至於各  
 助者務乞賜以介紹以便接洽則敝社更感德不盡矣臨書企盼不勝懇切待命  
 之至如蒙回件請直寄山東省膠縣城良心救國社逢氏圖書館收即可特此奉  
 達敬頌台祺

再啓者敝社此次徵求之範圍極廣毫無限制無論所捐助者爲何類何種及新  
 舊完缺雖片紙隻字破報殘簡亦一概竭誠歡迎而萬分感謝者也久仰先生熱  
 心社會事業素以指導後學領袖輿論爲國人所敬佩務乞不吝珠璣賜以特別  
 贊助並盼廣如介紹期收集腋成裘衆志成城之功此則惟鼎力是賴矣敝社同  
 人久耳鴻名識荊無自臨風翹企仰止曷勝倘蒙不棄加以提携則豈只敝社同  
 人應刻骨銘心凡此後之受賜者無不感激大德於無窮也專此奉達不勝迫切  
 待命之至肅此敬頌

勸捐新書

周筱農君來緘囑登

社址山東省膠縣城裏大街

馬克司爲最高學說哀多益寡稱物平施井田主義大同可期宜乎學界風靡抵  
 掌研究也諸君有有共產黨執行委員會宣言書一切共產書籍乞郵寄以下三  
 處詳細地址當有收據回奉或以相當書籍回贈  
 北京總商會正陽門外西珠市口奉天總商會潘陽城內鐘樓南大街上海總商  
 會圖書館上海鐵大橋北天后宮間壁永久保存共同研究也

崇德醫科大學  
新同德社出版  
**新 同 德**

一名「崇德醫藥月刊」

**宗 旨** 專門介紹德國最新醫藥知識指導民衆衛生

**內 容** 分評論學說醫學新藥介紹常識衛生醫事新聞文藝專載等欄多七萬餘言

**定 價** 本刊用道林紙精印每月一册實售大洋二角全年十二册兩元郵費加一

**總發行所** 上海 麥根路 崇德醫科大學 **新同德社**

第二十九期 廣告門

一百二十三

第二十九期 廣告門

一百二十四



中華民國十五年二月出版

編輯兼發行所

山西太原省城新民街即精營東二道街北首門牌第一號  
中醫改進研究會

信實進取愛羣

## 注 意 一

本雜誌每兩月一冊全年六冊如承訂閱請寄現款郵真代價九五折扣以三分以下者為限但郵票必須開以蠟紙如無蠟紙致不能揭開者不收

價全	價半	表零
年六	年三	售一
冊大 洋 八 角	冊大 洋 四 角	冊大 洋 一 角 五 分
費郵 九 分	費郵 四 分 半	費郵 一 分 半

## 注 意 二

本雜誌為提倡醫藥學起見凡有著名醫家及經驗良好藥品願登廣告者列表於下

價目	廣頁數	告全	價半
兩月一期	頁大	頁大	頁大
半年三期	洋四元	洋四元	洋二元
全年六期	洋十元	洋十元	洋一元
	洋十八元	洋十八元	洋八分
			洋三分